

方輿

疆域

輿革

星野

山川

風俗

土產

卷之二

建置

城池

官治

學校

武備

秩祀

街坊

鎮集

舖遞

津梁

荒政

惠政

卷之三

籍賦

里甲

戶口

賦稅

驛站

鹽課

卷之四

官師

宦族

職官

節儉

卷之五

選舉

進士

舉人

貢選

例貢

監生

武進士

武舉

封贈

鄉飲賓

吏員

卷之六

人物

前哲

仕達

孝友

長厚

附者德

風節

文苑

武功

忠烈

義俠

隱逸

方伎

卷之七

列女

卷之八

雜述

流寓

古蹟

祥異

陵墓

鑿資

攻戰

藝文志上

口勃

碑記

卷之十

藝文志下

贊

記

詩

詞

長葛縣志

目錄

三

夏邑縣志卷之九

直隸許州夏邑縣知縣景成

藝文志

華八書

詔勅

事試驗

碑記

贊

記

圖書

詩

詞

聖王致治宜民莫不興行文教是詔誥不能廢於  
廊廟而章程不能緩於郡邑者也葛邑上自溫綸  
下而輿頌他如名賢令宰之紀述缺失已多補綴  
舊聞凡惡染下遠政教流傳者悉爲載述庶幾揚

長壽縣志 卷之十  
徽音於邦國而存典則於臣民也

藝文上

詔勅

碑記

漢

褒黃霸詔

宣帝神爵三年

詔曰潁川太守霸宣布詔令百姓鄉化孝子悌弟  
貞婦順孫日以衆多田者讓畔道不拾遺養視鰥  
寡瞻助貧窮獄或八年亡重罪囚吏民鄉於教  
實於行誼可謂賢人君子矣書不云乎股肱良

其賜

金百斤秩中二千石潁川孝弟

行義民三老力田皆以

明

封城隍制

制曰帝王受天明命行政教於天下必有生聖之  
瑞受命之符此天示不言之妙而人聞見所及者  
也神司淑慝爲天降祥亦必受天之命所謂明有  
禮樂幽有鬼神天理人心其致一也朕君臨四方  
雖明智弗類代天理物之道實鑿於裏思應天命



此神所鑒而簡在

帝心者君道之大惟典神天有其舉之承事惟謹長  
葛縣城隍聰明正直聖不可知固有超於高城深  
池之表者世之崇於神者則然神受於天者蓋不  
可知也茲以臨御之初與天下更始凡城隍之神  
皆新其命馳此縣邑靈祇所司宜封曰鑒察司民  
城隍顯佑伯顯則威靈丕著佑則福澤溥施此固  
神之德而亦天之命也司於我民鑒於邑政享茲  
典祀悠久無疆王者施行

武二年五月

陳太邱碑

蔡邕

先生諱實字仲弓潁川許人也含元精之和應期  
運之數兼資九德總修百行於鄉黨則恂恂焉彬  
彬焉善誘善道仁而愛人使夫少長咸安懷之其  
爲道也用行舍藏進退可度不徼許以于時不遷  
貳以臨下四爲郡功曹五辟豫州六辟三府再辟  
大將軍宰聞喜半歲太邱一年德務中庸教敦不

肅政以禮成化行大謚會遭黨事禁錮二十年樂  
天知命澹然自逸

交不諂上愛不賣下見幾而作不俟終日及文書  
敷宥時年已七十隨隱邱山懸車告老四門脩禮  
閒心靜居大將軍何公司徒袁公前後招辟使人  
說諭云欲特表便可入踐常伯超補三事紆佩

采光國重黜先生曰絕望已久飭巾徒

三不三弘農楊公東海陳公每在

以

二十三年八月... 疾而終... 葬所卒... 棺槨... 葬事... 約用

通乎儉群公百... 大將軍弔祠錫以嘉謚曰徵士陳君稟岳瀆之精  
苞靈躍之純天不憖遺老俾屏我王梁崩哲萎於  
時靡憲縉紳儒林論德謀跡謚曰文範先生傳曰  
郁郁乎文哉書曰洪範九疇彝倫攸叙文爲德表  
範爲士則存諱沒號不亦宜乎三公遣令吏祭以

中牟刺史敬弔太守南陽曹府君命官作誄曰赫  
矣陳君命世是生含光醇德爲士作程資始旣正  
守終又令奉禮終沒休矣清聲遣官屬掾吏前後  
赴會刊石作銘府丞與北縣令赴葬荀慈明韓元  
長等五百餘人總麻設位哀以送之遠近會葬于  
人已上河南郡神府君臨郡追歎功德述錄高行  
以爲遠近鮮能及之重部大掾以時成銘斯可  
存榮沒哀死而不朽者也延作銘曰峩峩

神於皇元生抱寶懷珍如

微言圯絕來者何聞交交黃鳥爰集於棘命不  
贖哀何有極

魏

鴻臚陳君碑記

邯鄲淳

君諱紀字元方太邱君之元子也始祖有虞受禪  
陶唐亦以命禹其後媯滿當周武王時胙土於陳  
君其世也君生應乾坤之純質受嵩岳之粹精內  
包九德外兼百行淵深淪於不測膽智應於無方  
宏裕足以容衆矜嚴足以正世然後研幾道奧涉

見文學凡前言往行竹帛所載靡不坐談其進善  
也亶亶焉其誘人也循循焉是以令聞廣譽塞於  
天下儀行嘉誨範乎人倫存乎本傳故畧舉其著  
於人事者焉顯考以茂行崇冠先儔季弟亦以英  
知名當世孝靈之初並遭党錮俱處於家號曰  
君故得奉常供養以修子道親執饋食朝夕竭  
及太邱君疾病終亡喪過乎哀崩傷嘔血如此  
數焉服禮旣除戚容彌甚聞名心矍言及隕涕  
夫舜之終慕曾參之自盡無以踰也豫州刺史

懿至德命勅百城圖彙  
口既處隱約潛躬味道足  
不餘萬言言不務華事不  
虛飾其所交釋合簪規  
聖哲而後建旨明歸焉  
今所謂陳子者也初平之  
元禁網蠲除四府並辟弓  
旌交至雖崇其禮命莫  
敢屈用大將軍何進表選  
明儒君爲舉首公車時  
徵起家拜五官中郎將到  
遷侍中旬有八日出相  
平原會孝靈晏駕賊臣秉  
政肆其兇虐剝亂宇內  
州郡幅裂戎輿並戒君冒  
犯鋒矢勤郵民隱馴之



以禮教示之以知恥視事未期士女向方會刺史  
敗於黃巾幽冀二州爭利其土地料敵知難不忍  
其民爲已致死迺辭而去之於是老弱隨幕拔轅  
持轂輪不得轉遂晨夜間行寓於邳刻之野袁術  
恣睢僭號江淮圖覆社稷結婚呂布斯事成重必  
不測救君諗布不從隨與成婚送女在途君爲國  
深憂迺奮策出奇以奪其心卒使絕好追女而還  
離逃姦謀使不得成醫用义安君之力也惟帝念  
功命作尙書令會車駕幸許拜大鴻臚實掌九儀

四門穆穆遂登補衮以熙帝載不幸寢疾年七十七  
有二建安四年六月卒惜乎懷道處否登庸日寡  
實使大業不究元勳屏建茲海內所爲嗟悼凡百  
所以失望也天子愍焉使者弔祭群卿以下臨喪  
塋有子曰群追惟蓼莪罔極之思適與邗彥碩老  
咨所以計功稱伐銘贊之意遂樹斯石用監於後  
其辭曰於穆上德時惟我君固天縱之夫鍾厥純  
命世作則實紹斯文遭險龍潛抗志浮雲所責在  
已樂存事親雖處謙訖天子屢聞廼隆卽將陪帝

作隣平原寇深遂爾其民思齊古公邠土是因不  
忘諗國惠我無垠復命喉舌秉國之均爰登卿士  
媚茲一人如何穹蒼不授遐年鈔厥在位每懷不  
申股肱或虧朝誰與詢筑筑小子號泣於旻勒銘  
表德久而彌新

〔元〕崔公去思之碑

袁 栢

昔柳子厚嘗曰邑有令有佐政當擇天下之士  
盡其職庶幾民安其業偉哉斯言蓋設官分職本  
以爲民任賢使能乃可稱職况明王立政不能其

官惟其人唐太宗亦嚴薦舉之人重縣令之選  
此則令之祿秩不爲卑矣居令之職者可不重  
人歟至元甲子崔徵事由省椽歷筦庫勅授長葛  
尹下車以來待同僚如家人愛百姓如赤子視公  
事如家事日與達魯花赤伯要觸公孜孜講求民  
瘼勤者賞之惰者責之視民之疾苦饑寒若己致  
之好訟之黨飾詞欺誑者卽與民辯之婚田之爭  
調弄遷延者卽與裁決之公之用心可謂勞矣姦  
自其大者而論之人心所以不忘於今日者有二

事焉舊本縣戶口比之鄰城不等而差役則與之同公親錄其實以聞蒙上司均賦寬恤有除減均一之命又百姓每年該納造作軍器物料局司左右皆不體上司優恤之意秤斛之弊夙爲民害公奮不顧身較其斛秤致蒙上司除減公數雖他縣之民亦受其惠蓋寬一分則民受一分之賜非公平日以公正自持以廉勤自守曷克臻茲不寧惟是退食之暇喜閱顏帖筆不停書或與士夫講論終日無倦又於冬月躬率吏員講受論孟夜分乃

敬若夫躬行田里勸課農桑欲民知力本務農也  
立東西二學絃歌之聲不絕於市欲民知孝弟忠  
信以事其上也親調人夫開溝洫築堤岸以防石  
相柳庄孟村等保之水欲民免於昏墊之患也至  
於營建公廨鼎創醫學三皇廟雖材備甚大然皆  
不奪民時故人多聚爲之初無難色雖是數者皆  
臧分之所當爲采之輿論有難以盡述者大抵世  
必有非常之人然後有非常之才有非常之才然  
後有非常之功夫非常者固常人之所異也今方

百里之民見公之功不銜能不矜名不煩其政令  
咸愛之如父母敬之如神明於去之日猶存扳轅  
卧轍之意者則其爲人賢不肖何如。昔漢光武  
謂群臣曰郎官織應列宿出宰百里苟非其人民  
受其殃今公具公輔之才膺百里之寄終始如一  
清節愈厲可謂得其人矣他日以其宰一邑者宰  
天下使四海之民均被仁澤實自今日始噫公之  
來也甲午之秋公之去也丁酉之秋夫子曰三年  
有成今於公見矣公諱傑字彥才

居焉公少時天姿穎悟難見明敏  
奇之及登仕路守父母之訓嚴巷其之戒惟甘澹  
泊靡事華侈故其所立如此一日邑士及在官者  
求文於僕以傳不朽僕曰文則啓不能請紀其實  
遂爲之記以見去思之意復繫之詩曰

猗歟賢哉

天性慈仁

饋獻首絕

政事惟淳

詞訟卽決

賦役常均

興利除害

安富恤貧

一廉似水

百里如春

奉公履正

萬古良臣

今君去矣

遺愛在民

列諸貞石

以勉後人



〔元〕趙侯德政之碑

隱士張繼祖

洛陽人

長葛尹趙侯卸政之踰月邑士張裕范士賢等狀  
其行事之實將勒諸貞珉以示悠久而爲來者勸  
屬筆於伊洛生張繼祖再辭弗已歷節而讀之知  
侯之公且惠也遂勉爲書之按狀至元六年南宮  
趙侯來尹是邑以薄賈下士爲先務事之合義者  
力行之不憚煩勞不茹吐剛柔徒駭人之耳目惟  
在布公道推誠心置人腹中所期者寬民力厚民  
生薄賦輕徭詎詎給人足興禮讓之風成可封之卷

首以歲學校延師徒裨鄉社子弟通經修道正心  
爲學信義感發士氣裨益名教者良多勸農耕桑  
墾闢田疇勤力衣食役不妨於東作穫有望於西

成其務本之徒輸情自盡凡聽訟詳明被抑者遠  
能雪其冤無情者不得盡其譏拔本塞源公宇清  
謹負其罪者法疑惟輕不虐無辜不察小疵人喜  
其寬刑故不濫由是權豪縮其縱暴黠吏反於平  
和一之歲肅而教之二之歲惠而愛之三之歲福  
而安之真謂韋絃適中受錫者衆獄之平反事之

既決不能枚數邑之土地大率腴少瘠多其初以  
賦役不均重困斯民責在吏乎土者失於循察於  
是按轡阡陌家至戶到以覈其實定爲三甲高下  
署平盡革放富差貧之弊邑人久不被化轉徙沉  
心無歸計者有年矣既聞寬政風動隣境感化  
歸自至者如柳庄保才林等一十七戶仍復其業  
侯以勞來優之非戶口增與聽訟之始不移晷而  
天以致懷請負屨接踵而來嗷如市族首陳  
以禮義得其情訴諸報服而退

勸課農務萃其老壯諭以厚生之道

三時暇則入學肄習孝弟忠信禮義廉耻等事

是爭慕綱常耻越非分人心悅從致囹圄常空

盜賊息而何邑之南畝多濕地少遇大雨沒而

盡侯諭土民高郎等以種稻夾溪水以溉之到

獲種者三百餘頃所謂田野闢者烏足病哉縣

北王村杜村溪水中流橋架二處八社之衆併

供水甚爲擾民侯召近渡之家各備己力而成

橋蠲其雜役免爲看守八社俱免其害愛民尤

於此他如委考城而息張典史之訟檄尉氏而登  
杜德誠之詐以至辯夏津劉思敬之爭地折鄆  
鄭鸞兒之証命諸如此類有楮穎所不能悉者莫  
入感慕碑其事爲去後之思侯旣代與許官士爲  
別予始獲一臂交聞其言論高明醇正皆從問學  
學來屈致輒邑咸有屬統之歎意者其才器剗  
而存餘其心地惠愛施之靡竭若夫東帶於  
德張德得行其學固將大有所爲而不止如今

子屠牛豈拙於割雞也耶公

士先燕其先歟闕世家代有顯人其清白相傳  
有所自云他日廟堂之上其或攷長葛之公牘  
採鄉井之民謠則凜然公議自在何暇予屑屑書  
之係之銘曰

堯堂趙公

學贍才雄

家傳清白

勲闕南宮

政洽縉葛

古人之風

寬猛得宜

韋絃適中

景賢下士

意誠貌恭

琴清心閑

百里春融

奚啻五事

蹟多最功

爲霖是職

製錦非工

勒之貞石

思惠何窮

明黃公神道碑

大學士李東陽

湖南長沙人

比歲都察院右都御史黃公有疏請老朝廷慰留之公請不已乃許致仕令有司給驛歸嗚呼歸有日遽以疾卒於寓舍弘治癸丑八月二十二日也公諱敏字用章其先河南封邱人元季兵亂曾祖思豫攜家客湖廣沅州國初從三帥克復雲南古貴州平越衛籍祖諱秀考諱中俱贈都御史公少補諸學生正統丁卯合試雲南鄉闈名第五戊辰

登進士第初命爲行人久擢南京刑部員外

進郎中嘗署部事陞四川布政司右叅議督糧兼  
理兵備松潘地險番夷出沒餽道阻戍卒多饑

死公撫士通餉嚴立賞罰或出兵勦寇至冒矢石  
以行闔境無事遷左叅政出行屬縣有被誣爲盜  
者逮繫凡三十人久未決公潛察其寃辯釋之民  
競稱快進右布政使督建昌銀課公以所費倍所  
產特奏免之轉湖廣左布政使每歲京課銀九萬  
兩會修南京國監賦銀亦不下萬兩公念歲歎不  
忍取民悉以實帑餘銀代納自餘節縮浮費凡所



積視昔倍多妖僧繼曉歸鄉祭掃大張聲勢公竟  
擒於獄未幾拿赴京師斬之中外服其明決蓋歷  
正統景泰天順成化以來稱久次者莫之或過而  
其名愈著不衰遷右副都御史巡撫延綏公增築  
邊牆移改驛渡邊人皆利之叅將郭鏞違法過多  
公劾奏提問巡按御史勘實覆奏斬之公生平執  
法門無私謁南京戶部尚書關太傅吏部尚書王  
鏊據實素知公與諸大臣會薦之以副都御史經

拜尚書者殆近時所未有也先是浙江福建湖廣

江西諸布政歲入錢鈔券因緣爲奸公請折銀  
行之至今尋改南京左都御史越二年而致仕公  
性嚴介不容物遇事輒徑行已志無所顧慮以爲  
時所忌或諷其崖異卒不爲變此上公所爲知公  
者也公娶孫氏戶部員外郎鏞之女封宜人贈淑  
人繼娶魯氏封淑人孫出三子楫霖彬女一適刑  
部郎中門相長子魯出二子杞植杞以息例爲國  
子生先公八日卒一女尚幼孫一應鶴公雖歷諸  
藩老念河南桑梓故地地且善仍營故里將老焉

乃以楫霖俱補府縣學生彬舉鄉貢進士其卒也  
年七十有一上聞傷悼遣官諭祭命有司營葬事  
皆如制諸孤預致書狀介其戚人戶部主事侯士  
賓請余爲公墓表乃卜明年甲寅十二月十一日  
葬公長葛馬陵之原以成公志嗚呼我銘銘曰翼  
翼南都並建朝署中臺屹屹彈壓曹吏公居其間  
地望實崇垂紳執簡有大臣風自少及老閱所嘗  
試十命四朝殆盈五紀保躬完名於宦之成夫

壽七表亦盈生靈死葬公有治命休州故

天定誌有人物在萬各處其人亦必遠近  
我銘非史以識終始百世之下無禁在此

**明**邑侯肅公德政遺愛碑

胡守禮

進士

公遊蕩成癖客燕久因思古歷周君間爲最遂踐  
河謁嵩由東京趣朱仙鎮禮忠武歷西南而爲長  
社之野身騎俱倦跌憇道左右耕夫耦鋤而歌曰  
時飲啄兮侶鳴禽桑麻茂兮疇與深枕簟卧兮移  
棠陰爾時韻悠神逸幾栩栩然遊於擊壤矣及邑  
接彬彬人士皆雄姿英發素佩大方者且凡置一

頌曰明明我侯中天福曜粹精其修金玉其表與

聚弗施匪怒伊教襦袴乃興簪纓斯兆華袞匪遙

口碑載道懋蹟厥彰廷尉是召勉我人斯是則是

倣余更異之並述前歌爰質所指曰此聶侯德政

詩也侯蜀劍州人號伊思諱明楷三載騰績擢大

理去士民服之弗諼正欲鐫諸石而未遑也德政

云何日長萬斗大邑糧稅與大都等民甚苦之侯

由是力除火耗省徭役督耕耘平物價剪豪盜

積弊齊荒殺盜匪杜強盜公給一依民值佐貳

守成謹其心地光明卽牧豎隳墉亦可親顏色而  
洞見肺腑至法紀所係雖親故不徇是以民樂甦  
而至德於我庠序更多方造就則微叩秘諄誨不  
倦謂邇來棘闈不雋豈直戰罪亦由地靈未培致  
人文屢鬱遂捐俸於學之東南建一文昌閣高四  
丈壯麗稱之更於城二十里許視石相村築地澇  
則圮畔嚙禾爲一邑患侯早夜躬率開渠三十里  
轉害爲利亦東南而澹於澗巽峯峙巽氣通兀然  
成一佳形勝是卽聯翩捷兩人而諸士子亦愈致

致自好以仰副至意此我侯更挽回造化以福澤斯文者也余聞之而嘆可知也曠近司牧者視官署爲傳舍惟彌漫其局面而中存一無所關切故民視其歸轅亦若秋條之脫其枯葉而絕不繫諸懷彫敝日甚澆僞風成實本諸此孰有是之仁恤無量而士民之夢寐依依也噫微哉侯當日之精禱無刻不在下則以當日之拮据歸之侯侯不育侯之拮据士民之精神也今日士民之精神亦刻不在侯則以今日之謫思歸之士民士民亦

有士民之謳思侯之精神也無寧茲在一邑將  
邑在天下則天下延尉天下之平也卽余海濱  
將蒙美利焉是固願踴躍操管以誌善勳而表  
政者也第淺劣之見不能揄揚萬一卽舉歌耕  
而頌泮水者還諸記勒以垂不朽則聖明良吏  
有聞風而鵲起者乎

崇禎歲次庚午孟夏吉旦

重修長葛縣學碑記

邑令何

縣

一學校政本也養士以儲才明倫以章教敦詩



以厚風俗親師憲老以牖人心上欽乃司下觀  
化可謂本務矣先王懼無本之不能訓治其民  
將妨於政故自京師首善之區以逮山陬海澨  
不建學何獨長葛然長葛之學廢興不一法物不  
脩儀禮不存固未全乎其爲學也是司牧之羞也  
學舊在縣治之東北隅元大定間毀於兵元末復  
毀至明洪武革命仍故址建之爲新政大典嘉靖  
十四年卜遷於東門前大學士賈公之記可考也  
第逼近城牆水土無濱土氣滋鬱雖植厥麗以勤

民續用弗成我

初康熙癸丑前令宮允米君漢雯毅然有爲以望  
其政爰擇中土而改建焉今之大成殿明倫堂其  
所初也適滇黔告警戎馬騷厥工未竣何況其  
他丙寅之秋余承乏茲土惟懼隕越甫下車祇謁  
文廟但見瓦礫成邱荆蔓如戟荒穢不飭瀆

聖無紀而况窮簷蔀屋草路鶉衣剝殘未甦怒焉如  
擣用是罔敢適逸乃由裕民凡省刑薄歛積粟勸  
農諸事次第修舉謂是救時之政也而職思其本

惟日孜孜以學校爲先務是年冬遂借司鐸呂君  
貢恒寶君應選尉石君燦捐俸爲倡鳩工庀材其  
有不足者復勸邑之學士大夫共落成之升舊殿  
柱礎令高敞彤鏤爲飾葺左右兩廡凡三楹闕頽  
池駕以平橋前樹楹星門周垣惟舟車不交衢  
設屏以蔽內外皆錯彩焉不煩民不費財不廢時  
務巍巍翼翼赫然可觀而學幾全矣然禮樂猶未  
興也當是時天祚明德么臍伏質

子星式修文奉答沐命勛施於四方歲丁卯勛

郡縣擢俊秀嫻儀禮者爲生絃歌

且稽式古制設法脩物以光祀典余敢不祗乃初

服故其於樂也爲祝爲歌爲搏爲拊爲應鼓爲

爲箎爲編鐘爲編磬爲笙爲排簫爲琴瑟之屬其

於舞也爲幃爲籥爲翟爲麾其於享器也爲

爲豆爲銅爲雲罍爲爵爲犧尊象尊爲簠爲

帛篋爲篚爲盥具爲鼎臺五事亦復捐俸勸資如

制戊辰用集厥成紀年注册使司典之垂以末世

將見春秋之事入斯門也登斯堂也有省牲展器

之禮有贊灌詔酌之禮有鼓徵舍菜之禮有合樂  
皐舞之禮有登訶釋奠之禮有賓晏酌酢之禮彬  
彬乎質有其文焉然後知

聖天子興道致治固有其本而余與學士大夫之所  
以嚴整宮墻者可於是乎觀政矣由是而兩不破  
塊風不鳴條和之至也由是而吏無遺奸民無伏  
愁忠之屬也由是而文教聿宣簪組迭留彛良  
宅比戶可封化之成也雖不能至余竊有厚望焉

以識余孜孜於學校之意時

癸丑二十七年歲次戊辰八月之吉

重修鄭大夫子產廟碑記 邑令鄭性醜

春秋時鄭爲小國然相武佐王而緇衣作國儒執  
政而誰嗣歌長葛蓋鄭之湯沐邑也有二產廟二  
焉其一在陘山介新鄭之間爲子產墓所其一則  
城西五里崛起高岡躡百級而上廟處其中巖峩  
孤峙舊奉明禋不替予戊午承乏茲土將以次修  
治而更新之不幸罹先人之痛不遂厥志邑文學  
郭子夢揚家在岡之下世紹文行慨然鳩工迺塗

迺茨載聖載履葺之翼如增之燿如神靈闕血以  
妥以侑遂造予而請曰維姬之公孫安知非蒙陽  
水木且古遺愛也恭敬惠義君子道存博物洽聞  
又才與德之萃也公其勒詞以永附諸石予蹶然  
興曰有是哉吾子之不忘先賢如是其勤且大也  
夫公孫僑以有道名卿輝炳于古今其鄉之俎豆  
祀而弗祀無乃有土之責而里中士大夫之恥乎  
况葛邑四郊少名山大川一阜巋然襟帶洎流拱  
揖陁隧中原懸懸攬同指掌風日晶瑩雲烟萬狀

亦一形勝之區也今試與子望古遙集南眺楚  
紛若組練西緬秦關乘韋索賦其成有瘳焉北觀  
三晉太行旁隱儼與韓子羊舌大夫輩辨難往來  
語琅琅未休也東魯蒼茫迥泐曠暉紆衣縞帶聖  
哲之流風其猶在乎且鬱然者曩之田疇也熙然  
者昔之子第也何弗舉宜吾子之嘆而慕也詩曰  
以似以續續古之人又曰高山仰止景行行止郭  
君洵可謂不忘先賢而所期於後人者至深也於  
其請拜手爲之記而系之以辭曰高阜嵒嶙兮公



孫之惠仁兮高岡崩劣兮公孫之錫爾極兮神棲  
運兮措芻蕘兮雜千百禱兮懷茲碑兮

王公書院碑記

邑令李元讓撰

天地覆載吾民也而雨暘寒燠不無怨咨則舉裁  
成輔相之道授之愛育吾民之天子天子臨錫吾  
民也而苦樂利弊莫能用悉則舉宣德達情之任  
命之分撫吾民之元臣自非名公大儒正人君子  
本天地萬物一體之懷法天子四海一家之心

或微不足以排災疑難或有欲言之事難  
或難進留而不即言或有可言之機失之汝

或覺緘默而不能言或有當言之責阻於顯慮過  
深畏避而不敢言天子既不獲聞萬方而問俗小  
民亦何得叩九關以言情所以上下情睽君民勢  
遠爲後世之憾事若夫秉鉞於千餘里之外一朝  
繪圖而進之九重之上蹈轍於百餘年之後一旦  
改絃更張於八郡之中而都兪吁咈依然明良喜  
起之盛衢歌巷祝如見從欲風動之休上傳

論亡下福兆姓革兩朝之積弊成千載之僅事者殆  
寥寥數觀何幸於今見之我

大中丞大人改折漕糧之疏也漕糧一項爲中州  
常貢

國朝除荒徵熟雖各色多寡之數不同而經制銀兩  
每石限有定例第以道路修阻輸挽維艱必採買  
於小灘以各方買役叢集一處則奸賈視爲奇貨  
自騰高其米價至額銀不給勢復取足於民間如

買買之受漁徒究之背勢種種弊端難更僕數且

如來採買正數之餘復有節省之名是節省之名  
一立而民間又開一弊竇節之實所以費之也嗟  
乎示民割肉醫瘡茹荼吞炭亦真聽之莫可如何  
矣自我

大人王公來撫豫土軫念民艱爰鑿厥弊大破積  
習疏請改折安上全下一經入告遂蒙

照嘉納俞允勅行由是大河南北頌聲四作不啻  
雷之水火之中而登之衽席之上焉况長葛彈丸  
之區地瘠民貧南北交衝其苦尤最今幸漕糧既

免採買河夫又減額數其沐恩戴德較他邑爲獨  
厚也屬吏元讓本年初夏承乏赴任甫入豫境口  
碑載道歡騰無分乎遐邇一至葛邑仁聲盈耳感  
佩乃逼於童叟於時葛之紳士耆老群聚縣庭公  
請曰

撫軍實再造吾邑願乞言刻石以誌不朽元讓因  
念我公熙朝重望江左偉人天性慈詳多施勸善  
之書又章宗王廣顯士子之藝遊奕節婦孝子

初貪官... 美大... 是我公之...

者將次第舉行而永有定議何第記漕綱一事取  
而包入以爲全記漕綱隨部合漕綱一事已登  
中州數十萬之蒼生均被澤也漕綱無愧德  
德達情之任而可以銘感漕綱垂作爲漕綱諸矣漕綱  
也吾儕小民胡以伸漕綱刊厥碑用存永感元讓  
不敏無能爲漕綱又何堪表漕綱深仁厚澤於萬一  
謹直述其事以記之云

恭謹刻漢字印周漕綱江華亭縣人乞未科會

巖

巖

康熙二十二年癸亥特秩設壇立

大山丞書院碑記

邑令何鼎謨

國朝定鼎燕京輓飛漕以實

天庾其勢然也但東南之地襟帶江湖雜帆影連雲

轉運數千里而遙然以登揚之陸陸就巖岸之舳

艫勞固甚而方艱易兩河地不通舟艱於陸運向

求經理諸公勳蓋益之米價定其陸以巖於直

以改折請珣入

臣受厥澤歷今七載紳士耆老建書院以銘其  
風雨飄搖不無棟欹垣頽之慮群請修葺以迨  
於歉掌未遑也歲庚午

天子允司農議復以本色運凡在臣民靡不竭蹶襄  
事適旱魃肆虐延及畿輔子婦流離綿亘郊原小  
灘之值米石三緡較諸定則蓋五倍之若一時聚  
糴則奸賈之高騰與夫蠹胥侵漁橫丁措勒弊且



叢生一歲而傾數歲之費所不待計而然者乃我  
撫憲問公慟然念之繪鄭圖以入

告請緩一歲之運甦民力而培國本

宸謨遠矚渙汗宏頒災沴殘黎倏蘇重困蓋停一年  
之運所以卹民瘼而省民財者與

王公之七年改折共垂不朽矣厥德懋哉紳士耆  
式環馬首而籲曰嗟我葛土褊小殘瘠不及大邑  
之十二而漕米之額爲數獨多况自慘罹寇氛城

經三陷瓦礫盈途荆榛滿目休養雖週甲子瘡痍

復其初今沐我

公如天之德停運一載受福更甚他邑而不勒諸  
貞珉以與王公並彰天壤是無心曲以答彼蒼  
也且

王公書院理應再葺奉我

公以並揚汪濊誰曰不宜鼎曰唯唯以我

撫憲之綏靖中原夫豈緩漕一事已哉凡所以飭  
吏安民揆文振武以仁義爲利弊絕風生而惠此  
兩河黎赤勲懋旂常者太史采風以登汗簡固已

美不勝書而卽此緩運一事億兆士庶咸慶更生  
澤深惠普敢不盥手颺言百拜勒石而爲之頌以  
昭示來茲頌曰

維此天中 聿來我

公寵文宣化 秉鉞臨戎 載其清靜 物阜俗

正 萑苻不生 兩河永定 吏畏民懷 黔

首康哉 嗟遭旱魃 蔓厥蒿萊 粟踊而清

澗左其號 緩輸一載 恩沛九衢 昔也改

惠我遺子 澤溥王公 敷同稷契

高嵩嶽 浩浩黃泥

公之德 萬姓蒙庥敬記

公諱典邦字梅公直隸宣府前衛人由癸卯科經

魁

曾

康熙三十年正月 吉旦立

佟道臺剔驛弊碑記

黃文旦 楚人

古之宏濟偉人剗天下之至難而不以爲非常因  
天下之至恆而不以爲苟安皆相其時以利其用

宜其咎以立其經慎守其成法以永華其弊夫固  
道足以貞之澤足以蒸之見諸於一邑一事而其  
全者則已壽金石無疆萬矣

兵憲終公關東右族道冲節鎮望隆公輔膺興朝  
簡在節鉞八閩威德丕揚編羅中州文武爲憲海  
內詠頌印者樂公分袂之城黎獎於方叔吉甫焉  
予屬首當公濟甯用長萬實過一閱觀其精神矜庶  
職公先事協馬一事以誌知相特利用宜俗立經

役舊有南馬貼助復取協濟於陳沈項鄧四州

歲不下萬金載在掌故遵守數百年不告罷長葛

徑稍偏每歲協濟衛輝崇寧驛三千六百餘金葛

土非驛地葛民膏髓久竭於朝歌矣無何新鄭葛

胥罔代篆廣文驟詳長葛借濟二馬適長葛代篆

亦廣文俱慢率不稽掌故致葛斯弊葛縉紳衿庶

控弊不可竇邑侯徐君覈實杜漸爲地方請命公

洞鑑胥奸憫長葛困朝歌役良久何堪新鄭嫁禍

爲毅然革其請仍舊貫焉要公如鈞之應重輕度  
之應長短無私覆載也適予其平而已矣顧九有  
綏寧萬物得所愜平則受福無疆興一利不如除  
一害古人能先言之然杜一害優於興百利非稽  
古沉幾之格人鮮能祛之極嚴拒之獨先維百世  
之典章於無數也公察濟艱難之畧嘗鼎一臠矣  
宜葛人鑱石垂久遠志勿諼云且不佞釋寫輿人  
之誦更得詳於徐君葛人其世世父公矣詩曰不

重修城隍廟碑記

王璿

邑人

葛邑東門內有廟曰城隍自古帝王分茅胙土建邦設都有是縣則有是城隍一邑之中萬人之命賴以安之百里之疆賴以保之禦災捍患於一奠斯民而固國本也我

其命以

監察司民城隍顯佑伯蓋天地間山林川谷皆有其神聚一方之民而爲高城深池以衛之則必有所以主之者此城隍之神所以當重也三年六月



內屢降旨各處城隍廟屏去閒雜神道其廟宇俱如公廨設公座筆硯如守令其壁繪以雲山雨廡亦如之夫城隍見於開元以後當塗有記未聞有甚加崇重者惟我太祖高

純既以其廟附臺於山川壇又

設爲廟宇京尹主祭於京師府州縣則守令主之其或廟宇傾壞不克修葺以瀆神靈者有司弗遺其咎蓋天下事成於有統敗於無倡壽之域

爾歲八河徵賦盈虛新舊瓦破映邑民人

爲董率皆因仍不舉上負高祖崇重之意下

以民瞻仰之心惟正德十三年知縣榆次趙公

至廟見謂號號然曰制詞云明有禮樂幽有鬼神

置守令以司民於昭昭之際設城隍廟以司民命

於冥冥之中而以監察司民名焉今廟宇傾頽如

是是民之罪也冷之責也予與爾民亟修之可乎

民僉曰善民久欲修葺以無主倡者蓋上有好者

下必有甚焉者矣於時義官張大會知印范繼先

捐其金壽官魏鐸劉現董其役邑民多與贊助自

是鳩工庀材經營修理向之棟楹摧折者今更新  
之向之甍瓦破缺者今補完之殿寢則塑粧其像  
肅威嚴也兩廡則分別其司昭勸懲也且黜堊金  
碧煥然一新允足以壯神之威而聳人之敬也夫  
工竣特請紀其事於石以垂不朽余因序其始末  
以應之非我邑侯趙公奉神維謹規爲有方何以  
不勞民傷財而起千百年之偉觀也哉事神治民  
公可謂無間焉是爲記

漢河之衝有濟衆橋在長葛城西十五里其始建  
未詳至明萬歷十年鄉士李維臣等募修之僅仍  
舊制水決復圯四十年邑令王茂才以僉憲李公  
僉重建規式加廣焉考渙水發源大隗每值秋霖  
積潦勢若奔駛至是而湍怒益甚雖甃石成梁然  
歲月久而土石嚙自移建距今又四十餘載矣余  
脩兵大梁駐節陽翟有事汴會輒經臨其地見夫  
僕馬逡巡蹇行泥淖更有厲揭而過者因呼里人  
問之咸曰歷遭水患之故蓋此地爲南北要衝仕

宦商賈以及負戴而行執殳而驅者趾相錯也此  
橋頽壞行旅苦之至如城西之宣化西關孟村張

史蔡村等里禾黍室廬屢被漂沒又許州司土帳  
地小趙沈村四保地勢窪下蓄而不洩其罹害尤  
深及今不修將漸成澤國矣余聞而傷焉亟捐俸  
以爲遠近倡一時諸屬吏暨使客土氓之好義者  
皆協助有差而葛令劉君璫則督率里中士民鳩

工運石趨事恐後經始於庚申四月之朔告成於

辛丑三月之望規模宏壯悉改舊觀仍建河神祠

於其陽余諏曰潔牲親詣祀之里人前而致詞曰  
自今以往居者行者胥免墊溺非我公之賜不至  
此余謝曰是社稷之靈也河伯之惠也祥有司之  
贊厥成而諸父老之勤乃事也余何力之有竊竊  
自願願居者之永無蕩析焉願行者之永履康莊  
焉更願後蒞茲土者其弗忘斯役先事而舉之及  
時而修之俾勝蹟罔墮而衝途永賴焉則衆之濟  
也雖千萬禩而未有艾也是則余之志也衆喜請  
文諸石卽捐助姓氏識之碑陰

順治十八年歲次辛丑五月端陽前三日

重修聖廟碑記

邑令阮景咸

全  
國家教化百年文治翔洽上自京師下迄直省郡縣  
靡不於奉聖之地矢厥虔肅務使規模闕敝用昭  
尊崇至意

今上御極之三年戊午春傳

諭車駕詣太學親釋奠命儒臣坐講時則廟易黃瓦

此制見聯儀至肅典至隆也予不敏於乾隆癸亥年

九年甲子夏視事茲邑練日謁

廟見夫址居湫隘心竊懼焉諦視之四面地勢

高聳廟中多漏漬痕又梁棟榱桷之材漸朽詢諸

同官並云屢議重修以財用匱乏莫有毅然任其

事者遂遷延歲月而今且將就圯矣時卽酌議倡

捐共圖斯舉以方請帑修築縣城未遑從事而中

實不敢一刻忘也周一歲城工將竣又急議脩葺



適奉藩憲趙公檄以學校爲興賢育才之地宜先  
經理則斯舉也詎可緩歟稽邑乘學宮舊在縣治  
東北遷於縣治東門內者前明嘉靖十四年也移  
建縣治東卽今所在者

國朝康熙十二年前令米君漢雯也至因殿宇低墜  
加礎使高尺許則自康熙二十五年前令何君興  
如於今又六十年矣遂與同官竭力倡捐邑之  
民莫不雲集響應歡騰樂輸計銀

二百餘兩於是營出納有人又採辦物料

匠役各有人其朝夕省視久而弗懈者可論

本司訓傅君煌縣尉陳君煜也肇工於乾隆十年

乙丑季夏訖工於十一年丙寅仲秋由舊址北移  
七丈許進於坡岡之上其宇高大深邃增舊制七  
八尺戶牖階庀靡不脩具次第丹雘以示更新并  
用黃瓦倣京師廟制焉予與同官偕邑諸生拜謁  
階下仰瞻廟貌高敞壯麗煥然改觀爰進邑諸生  
告之曰予嘗誦歸太僕所作重修闕里廟記以事  
聖人者不徒事於其外而取于游所聞君子學道

士真縣志 卷之九  
愛人小人學道易使與告顏淵克己復禮之說反  
覆著於篇再考睢州湯大司空移建廟學記亦以  
諸生所以爲學者當求進於古人之道大旨謂學  
聖在於存心以全天所與我之理其言可與太僕  
互相發明今長邑學者知虔奉聖人矣抑叅諸大  
儒之緒論究器識而後文藝飭品力學馴至於人  
文蔚起仰答

聖天子崇儒重道之意以慰 大憲宣化之心則予

所厚望也已 是爲記

重修志

卷之四

城池之設所以衛倉庫奠民居也邑城濱河每淪於水歷數十年圯者有牛羊跡而人且攀躋以出入幾若康莊焉官斯土者循例補苴隨築隨頽閭一闔間時有警盜吏民疲於隄防咸以爲苦乾隆九年甲子予視事茲邑閱城畢竊以爲城頽若是上而

朝廷倉庫下而百姓室家將奚賴焉時適奉部覆准修俾領帑七千三百餘兩修之予責也但前冷

原作之工祇修倒塌者二百四十餘丈并小南門  
洞一處又於城東北艮方被洎河侵蝕者請移入  
五丈別築新城五十丈將城舊址棄作河岸至四  
面多破壞之處皆未估報遂以病去官

上憲亦據所估

定至是年復芟除荆榛沿城諦視知破壞未經  
修葺正多也且原估帑浮於工將作何歸結乎  
京北關移城內讓地於外使作河岸俾然折土

并一切工料加意節省將破壞城垣七百餘丈及  
東西南北門洞四處俱一體重修酌盈濟虛通融  
辦理仍於東北隅沿河築石堤七十丈乃足盡原  
領之帑但前經

定既不容改易增添若仍依原估之工請銷原領  
之帑又與成例不符勢將十減三四更費周章矣  
荷蒙 大憲重行

題請得奉部議准銷從容觀成將上而

朝廷倉庫下而百姓室家皆借以無虞是則予之厚

幸也夫肇工於是年七月初二日落成於十年乙丑十月十二日堤工起於十一年丙寅二月初三日竣於四月初十日堤墜而城益固維時佐予之不逮督率有方久而弗懈者則我司諭胡君某司訓傅君某縣尉陳君某也是爲記

創建陘山書院碑記

蔣辰祥

雅州翰林

陘山書院長葛 阮明府所創建也明府前仕秦中雅意作人卓有政績乾隆八年癸亥奉

天子簡命來豫九年甲子分符長社輒有事於城工

聖殿就圯倡議重修事不煩民不擾僉以爲  
能至振興學校之意亦如在秦中時而長社鮮  
有故址可尋爲諸生藏修地遂於學舍東買得前  
明邢忠節故廬又苦其殘壞卽議修之以諸務叢  
繁未遑十年春權以紳士宅爲講院聘予同年友  
海君芝仙世紫主講周君材美學贍堪陶成多士  
者丙寅復不以予爲謫陋延之予性迂踈恐無以  
當人意及來長社明府率諸生迎郊外禮甚恭頻  
與予商考課之法月四試之校其甲乙半載之中



人文蔚起鄰封竟有緣而效之者予雖寡聞見每於當代耆儒獲承指授因據所得者爲人舉似人亦率知淬勵予以諸生請求之勤又明府賢而有禮庶可相與有成矣乎是年秋八月始經理書院至冬十月落成迎予其中僅十日予以他事旋里諸生揖予而前曰敝邑城工聖殿我賢侯力成之各有記矣不以煩先生今書院小子輩從先生肄業地也敢乞一言以垂久遠予因嘉其請許之竊

樂兵農乃措之名得其理然非養育有地又不免  
言行龐雜之譏考古黨庠術序胥是意也明府所  
至以振興人才爲己責可謂知治本矣稽之書院  
盛於宋俾升於國者無學殖荒落之患正以濟學  
校所不及詎細故耶在宋鹿洞鵞湖爲著其在豫  
者有歸郡范希文書院而登封之嵩陽書院歷代  
大儒掌之更於長社爲近蓋長邑西有陘山逶迤  
而西其山脉與中嵩正相聯屬設書院應之良急  
務也又况邑爲鄭子產采地陘山之巔其墓在焉

有志者緬懷芳躅興起不尤易歟書院以陘山名其義可想矣第一事也創之惟人守之亦惟人嘗遊歷他邦見夫名郡大邑多有書院後或鞠爲蔬圃或沿爲上官行臺邇其地者徒愾然於盛事不再而近長社之嵩陽書院獨與鹿洞鷲湖等書院歷久常新固大儒創於前亦其地多賢人君子維持之使勿壞也猶憶乾隆元年

聖天子崇儒重道詔大宗伯江陰楊文正公名時總

被爲要長邑學者誠由碩儒之緒論切爲賴  
府上之希風周程張朱次亦以文章高第樹聲  
於天下以鄉之前輩誨鄉之後進於書院必多  
護持使與陘山並永此則明府之大有造於長  
也維予與周君亦有榮施矣明府於城工聖殿營  
力成之至是而三善備焉然書院之入而弗涇又  
能無於此邦人士有厚望乎哉故凡基址之廣狹  
門堂之崇卑樓閣齋居之方向別當鑄諸石不具  
書特書其重且大者遙寄明府明府其以予言正

告長邑之學者可也明府名景咸字載南順天大興人司諭胡君名本立字簣基西華人可訓傅君名煌字中朗登封人縣尉陳君名煜字鑑書大興人皆贊襄維勤克成明府之美者因並書之時乾隆二十二年丁卯仲春二十有二日也

禪靜寺剝前銘

敬史君之碑

公名 字顯儁平陽泰平人蓋虞舜之苗裔田敬  
仲之後也舜有康哉之唱敬有和鳴之應德徽書  
史道合無名自茲以降世阜哲人龜組繼襲英聲  
不朽公資黃中之雅氣稟川岳之粹靈苞一德於  
懷抱淵萬頃于匈衿揅節端華風神雅峻博學多  
通無所成名振徽音于綺歲脩九德于冠年豈伊  
一日千壘實曰王佐之才解褐奉朝請於時女后  
稱制權移外戚黨樹私門謀危王室公乘義發憤

長葛縣志

卷之九

聖

肆忠奉國結周公河西之畧咨義真折角之耻掛  
冠辭闕杖劔歸鄉虎步方州翹心日角孝莊統歷  
攝履還朝帝嘉迺功用優勲賞封泰平縣開國  
子除晉州別駕永安云季元兇伏罪殘醜遺燼更  
相鳩率始資賈誦之計終成李郭之舉責罪宣平  
交兵象闕長戟百萬誦騎千群承相勃海王  
德隆齊晉作牧唐都志存匡合克剪封鯨以公器  
宇淵亮民望所歸特申請抱委以經謀公深識時

遂月十星初約變從時應幾而起此文贊武專

功惟籌野戰，參斷餐之力。長蛇既斷，食  
籍策勲有典式，酬功效進封。永安侯食邑千戶，  
車騎將軍度支尚書，俄遷都官尚書。公位居省闕，  
祇在樞機，竭忠奉上，庶情求瘼。獎進英賢，糾廢姦  
慝，宿滯必申，頽綱由勅。今上德配元黃，融齊日月，  
鑒殷從御，未遑外畧。秦隴放命，乘此憑陵。駟率戎  
虜，擾我生民。汾晉邊遐，偏被其毒。惟捍所寄，事符  
賢傑。廼以公爲汾州刺史，尋轉晉州刺史。車騎侯  
如故。公秉節出關，佩錦歸鄉，明賞罰以勸元戎，敷



仁澤發字黎庶乘機迭出智勇兼奮歲聿未周奸  
溲遺跡百城旆釋四民歸堵敢飯之嚙不息安居  
之詠更新雖李牧御邊細侯治雍不能尙也又燕  
司失馭編荒作逆連黑山之衆峙黃巾之勢縱橫  
海表陸梁幽冀震感皇衷命公是討公運六奇于  
帷屋忘七尺于戎行探淮陰平趙之略協段熲破  
羌之謀廣張旗幟厲怒三軍紛紜馳突遂夸兜醜  
凱旆而歸增隆寵秩拜儀同三司韓地邊嶮繡連

營壘屢風波收影爲成谷客人不恭鳴張吳堅

虜因資玩威疆場盛政爲頽莫能芟遏百姓彫傷

流離畧盡天下悼兆民之塗炭惟邊徼之須才終

爾忘食夜分不寢以公畧不世德効累彰除殘拯

溺其莫可加拜驃騎大將軍潁川刺史大都督潁

州諸軍事儀同三司開國如故公深惟臣辱職不

求易當遇撥根薄言來踐輕賦歛以阜民財勞吐

握以招賢俊嚴治烽候宿擗輕肥權火或舉豹騎

爭先鬼出電八梟囚萬計賞不踰功罰必當罪人

物輻輳繼負雲歸玉燭登年絃歌不息亦旣及矣

世難功濟生民復惟舟梁苦海運茲迷溺敬崇三  
寶翹翬九劫望維衛以虛心念毗耶而延佇此地  
實爲高敞眺實遐隆遠乘山岳邇帶池閣惟金剛  
之妙宅諒神基之淨土故平陽太守顏川太守使  
持節秦州刺史梁洪雅攝情物外宅志遠揚矣建  
精廬鬱茲形勝水火烝交年歲攸績龍宮梵室彫  
落朽故公廼勉率僚佐肅心營造遠訪名工窮盡  
巧麗建七層之寶剎寫雙楹之光儀金瓊疊照水

紫雲

三塗率借四果

誓願終始如有

無虧八万之日無生無滅濟此娑婆之苦湛露

喻貞剛惟久式裁金石永留不朽作頌曰 惟靈

之役達者克昌代當主遊世有蘭芳挺茲明德

管勸王齊總管范開本蕭張弱齡聽瑯鼓年秀

藉藝聖童佈齊初月疾惡如風起善如雲百行

兼三省無濶作牧西蕃若臨南甸荒服來庭

由奠政行保障化銷絲繭大啟千乘職駢三

揚旆歷開嶽道驟飛薨架兩竇剎分虹月光照  
日映玲瓏業空世福永樹來功

新除使持節都督潁州諸軍事 事嬰騎將軍潁州

刺史當州都督崔叔仁

施地檀越故潁川太守王儒

維大魏興和二年龍集庚申

禪靜寺久廢此碑埋地中不知幾何年矣主

因翠巖創出迄今垂三十年筆法古道超羣

而工之均爲至寶第荒郊蔓草之間每爲樵

物雖所損塗懼其久而磨滅也因繕致徑山  
阮築亭障護焉庶士林咸知珍重而古蹟可  
永存并將原文附刻藝文志其有字畫漫漶者  
姑仍之不暇輒補以附闕疑之意云時  
乾隆丁卯孟冬阮景咸識



藝文志下卷之十

讚

記

詩

詞

宋聚星亭畫屏贊

朱熹

漪歟陳子神嶽鍾英文淵範懿道廣心平危孫汗  
隆卷舒自我是日庶幾無可不可獻身安衆弔豎  
全邦爛然方寸秋月寒江願言懷人曰我同志故  
朗陵君荀季和氏連峯對起麗澤潑滋愛而不見  
有贈其思薄言造之顧無僕役獨呼二兒駕予以  
出青芻黃犢布幘柴車策紀前衛杖謔後趨所造



伊何高陽之里維時荀君聞至而喜顧謂汝靖往  
應於門七龍矯矯布席開尊清肅而前翁拜其辱  
何悟斯晨得見清穆命爽行觴旅饋次陳獻酬交  
錯禮度情親載笑載言罔非德義益邁乃猷以輔  
斯世髡髦兩稚亦真膝前原深本固莫出匪賢維  
此慈明特謝儔匹晚際國屯敢憚濡迹贅疏之命  
恃以少延邦朋之最孰與爲先攸乃附曹群亦忘  
漢嗣守之難古今共嘆崇臺罔極於以占天猶曰  
茲野德星萃焉我實有亭舊蒙斯號今刻前閣

儀以告高山景行好德所同課忠責孝獨慨余粟  
百爾窺臨鏡考母息死國承家永奉明戒

**明**長葛邢公子死難傳併讚

劉理順

甲戌狀元

長葛隴文學邢爲法諸人死之初賊攻破禹州屠  
戮甚慘法家奴泣告賊衆勢大旦暮來攻孤城何  
恃不如行也時法率弟文學爲憲方與孝廉孟良  
屏李青芝明經黃朝聘諸人勵衆約法誓同死守  
叱其奴曰爾輩烏知大義及賊四面合圍法等分  
城捍衛有潛說邑令者曰事急矣投見可免邑令

乃縋城下持印入賊營告賊曰欲開城迎柰王守者孝廉孟良屏等並諸生邢宦之子也賊怒割刈大樹實隍刻期雲集勢不可支賊旣入城縱兵肆殺是時諸人皆失魂魄法憲猶督僕從李明等十餘人下堞與賊巷戰格殺數賊旣而賊大至殺其僕且盡法憲亦中傷賊傳令索王守者衆乃擁法並弟憲至賊詢知爲卿大夫子惟逼索金錢許以不死法曰吾父清白吏顧安所得金錢賊聲色俱

萬壽女父書官雜道無教百益買命乎索之甚卒

不以應繼以法兄弟善騎射捕狐加

從憲大罵曰恨不生爾狗輩謝城池欲我爲

軍乎卽斷舌噴血作厲狀不休賊怒械一

掠備至慘毒萬狀而終無懼容款語遂同過

妻李氏亦抗節而死憲妻董氏項中數刀僅得不

死法憲旣死而賊問土人以邢宦居官清正有德

於鄉人家本無財賊聞之亦自悔誤殺好人旋傳

令不許焚毀邢氏住宅嗟乎賊入中州膏賊刃者

多矣殺之而旋悔者幾人哉史氏曰余與韞斯鄉

公爲甲戌同年且友善稔知其爲人凝如斷山凜  
若冰幹起家濰水迄今歌孔邇誦神明者交口如  
一旣得兩公子抗節狀則又爲唏噓太息不能已  
已嗟夫有是父宜有是子蓋忠孝淵源然矣青衿  
無死責也明知去之必生留之必死終不肯苟爲  
趨避此其天性植立所以處死者何暇豫乎設使  
無可逃之地又肯昧昧猶人耶噫身典專城責  
守土乃寸心從逆屈膝媚賊而城破家亡憤不  
身固出於隱戶難書履無尺楫之士即

法昔在濰署曾擬文信公正氣歌詞甚激廉  
死忠盡節句或訝其謾孰知竟以成一生之是  
命也有性焉彼縮符遇賊不以一矢相加遺者  
此媿死不遑矣苟顏倫活與慷慨就義孰得孰失  
必有能辨之者噫此義士之所以可傳也

明遷學記

大學士賈

詠

臨穎人

粵昔聖王御世所以淑人心而成化理之功者惟  
學校之教爲大蓋民所由化俗所由成聖王之治  
實不外此故曰建國君民教學爲先是也四代學

制不可尙已降自秦漢下迄近代以還學之興廢靡常治之或純或駁終不古若其有以哉惟我皇明誕膺景命汎掃中原人文是崇綱常爲治大明孔子之道以淑人心圖化理聿新學制以申教典罔不畢脩故額其徒厚其養頌以師儒責以守令重以憲臣人才之成悉由於此而治化民俗之美亘古所獨盛也猗與休哉惟許昌之屬長葛爲縣旣舊廟學之遷久矣邇者蕪陋之甚儒效澗疎

八九之率習當遷第有司因陋無卽再志意

靖十有四年歲乙未聞之李侯鑑由鄉進士來知縣事見廟學卑隘甚非所宜慨然有改作之志未果會督學憲臣吳公至議以克合侯卽領之越明年政通人和斯役可舉遂以聞之巡撫僉義其事尋委通府彭君相之得地治良隅廣延平正群情胥協可爲學宮矣侯將戒役州時路侯聞而嘉之躬詣奠告已乃從事經工庀材考極定位而工肇焉首夫子廟庭起殿廡以及堂齋官廨門宇丹堊形制舉無不法下而生徒有舍庖廩有次繚垣植



檜越歲乃成足侈前規而改後觀矣釋某攸落謂  
當有紀以示厥後於是諸生蔣紹陳謨李周曹汝  
霖等相與至穎以事狀請爲記予惟伊昔聖王設  
教必先建學然後立師乃布厥典以爲官守我祖  
宗治極精矣惟任治教者之奉行耳顧茲廟學今  
餘百年無興之者夫何賢如李侯一旦改圖易地  
以拓以闢申於化邑厥功偉哉義士張廷珍捐金  
三百佐之已而仗義捐金者有人用是公私不厭  
而財自充督責不煩而民自勤况侯之作縣百有

率多類是長葛之政許爲善惡其能祇奉

而罔墮既驅者也侯非良有司哉教諭李君

亦以鄉進士來署學事暨司訓苑宗學周輓又皆

以文學懇懇分教嚴督進修而諸生痛自刮磨

於大就惟道德是志登科掇紫固其餘事夫然後

知學之興廢在人若有待焉豈亦有數乎夫人患

無志志必有成今廟學儼然師承不假士際斯會

亦何幸耶退而思之業患弗精行患弗成有司之

弗公且明者弗之患焉審若是廟學之遷殆非徒

一 爾其於我

列聖銳意作人以隆至治之意庶幾其不負哉是爲

一 記

洧水兩捷記

邑令李在公

一 洧水兩捷者何紀戰功也戰功何爲勒石志戰勝

一 之奇也燕山銘其巔銅柱標其名長狄識其子戰

勝雖不同其功一也曷爲以奇言也洧水兩捷不

戮一入人力不至於此於是乎奇也予治葛三年

戎服蒞事與二三君子日在韞韋附注中繕甲

守樓櫓相望飛鳥歸流亦似空國家有

真耳之哀孟春流氛橫馳士有聞志人無佞色

而烏聲樂賊其遁矣仲秋念五賊恃其衆飲馬滄

冰裂於拂電黃霧四塞予令鄉勇乘其不意擊之

斬獲十一級內有識天王字一顆寇衆少却鳴金

不傷一人詎朝復戰余同典史倪拱辰舉人孟良

屏生員張範孔等手發數炮應聲擊死者數十人

復令家丁李守等鼓厲內兵賈世威等督率鄉勇

鏖戰自己至未斬獲六十四級奪馬騾千餘擧旗

一面上書飛走南京復至河南八字賊遂潰窟鳴  
金復不傷一人余既實錄戰功達之當事復詳銓  
功次鱗集戎堂戰士見余曰子之力也夫曰公之  
訓也聚君子之勞也百姓之福也何力之有焉象  
君子見余勞之如戰士曰公之訓也二三子之武  
也何力之有焉合力禦侮成功不居或制勝在戎  
樓或力拘在原野要非河伯有靈不及此因爲之  
鼎立崇祀所以爲報也士民歌曰明公蔭我德本  
繁迥珍此朝食於彼雁堆余聞之曰是可志戰勝

之奇不失其處矣

長葛縣題名記

邑令孟啟元

記曰古之人務實不務名故自立心修身以達於  
爲政率皆敦誠體道涵養乎性靈發揮於事業殊  
有可觀是故君子慕之慕之而思則效也今之君  
子固不可謂其無人然獵名者日以衆義利誠僞  
之機不講紛紛而求名本爲駕虛襲譽其實無有  
終則蕩然而名又日益泯矣可惜哉往哲予毋論  
也惟我國家法度修明吏治近古方今聖天子臨

御四載神謨獨運綜名實信賞罰誠有如昔人所云聖君賢相相與以成正大光明之業者海內群吏肅肅然莫不砥礪名節以圖自飭非徒汲汲於名者然語有之曰名者實之賓徇名責實恐亦君子之所不可廢者乎以所不可廢者而以義起之非過也舊邑多題名乃長葛遡自國初至於今日二百餘年而題名獨無豈令是邑者率皆務實不務名者哉是故有其心而無其政者厥澤罔施有其政而無其心者本實旣有政多紕繆無補於民

或心政兼懋矣乃復遊心古初簡靜自持知  
不爲竟成缺典夫心政兼懋者後將思則效之而  
卒無所效繼至者能不追思乎矧忠詐邪正平易  
苛虐與夫貪廉之行鏡今照後有勸有懲茲不樹  
題名可乎是故深明乎義利誠僞之辨蘊於一心  
施於有政政行而名著焉實大聲宏可則也寬平  
仁恕執法推行民孚而化洽焉卽獲昭昭之名亦  
克副乎其實者也匪虛也體立而用行由心而運  
治古人得之矣茲邑也予將不題名可乎予每以



爲懼思欲效法古人不可得輒於公冗之暇爰搜  
遺志訪求葛之名賢長老博物洽聞者自林庸而  
下及予得五十四人買石刻名凡履任歲月其字  
號有聞者並記之無則止書姓氏嗚呼自是人皆  
得指其名而議之予將勉之後之君子追思之慎  
之哉

重修漢太傅卓君廟記

李

鉉

邑人任阜城縣訓導

葛邑之東距城十餘里周道之左崇岡之上有廟  
曰漢太傅卓君廟按漢書君南陽宛人也姓卓

寬仁恭愛恬淡樂道雅實不爲華貌行已在清  
澗之間自束髮至白首與人未嘗有爭競鄉黨故  
舊雖行能與君不同而皆愛慕欣欣焉哀平間

密令力行仁政視民如子舉善而教口無惡言吏  
民親愛不可欺之數年教化大行道不捨遺遷京  
都丞密人老少泣涕隨從及王莽居攝以病免歸  
光武卽值之初首先訪求君君時年七十餘詔爲  
爲太傅封褒德侯夫君以漢哀平間爲密令迄今  
蓋千有餘年矣尙使人思慕愈久不忘在在立廟

以祀而况於當時者乎是非深仁厚澤溥及鄰邑  
烏能至是嘉靖辛卯春久旱官民殷憂邑侯王公  
奇率吏民往禱祠下是日卽大雨夏末秋初中州  
處處飛蝗蔽天王公復詣禱之其蝗飛去葛土獨  
不被其害民獲豐登之慶巡撫藩臬諸公皆驚異  
稱獎邑中縉紳士夫有蝗不入境之賡歌於戲是  
固王公精誠所感實卓君靈應之殊功也是時  
字敬壞王公遂命鄉耆張廷珍羅夏民等修之

會捐俸爲倡寮家師儒及邑士夫咸助貲焉張

珍捐金居最且董其事期月群材畢集卜日爲  
立正殿寢堂神廚門樓周圍垣墉無不俱備丁  
於辛卯冬十月朔日告竣於次年春三月者衆  
余曰廟成矣煩先生爲文以紀其事可乎余曰  
君昔爲密令德政孚民史稱循良列在祀典也遠  
矣於今靈爽在葛有感必應爲民禦災捍患有如  
此厥功偉焉新其廟豐其祭以隆報功之典勒諸  
貞珉以貽後人俾相繼而修葺之孰曰不宜卽我  
王公殷殷事神庇民之至意亦並傳不朽焉固與

媚邪邀福者大不侔也是爲記

國朝遷建學宮記

邑令米漢雯

今縣學卽古庠序之制春秋釋典重師儒率博士  
弟子員考德業三年省試所以崇

聖教育人材也行鄉飲酒禮所以示養老尊有德也  
邦之教化於是乎興人之觀瞻於是乎肅不鉅且  
重歟長葛向稱名邦兵燹之後城社邱墟澤宮鞠  
爲茂草我

定鼎招徠安集流鴻爰歸今三十年雖元氣尙未

全復然鷄犬桑麻浸涉有起色猶學官已東復也  
陳宇僅存予下車展謁之次愴然靡寧卽進紳士  
與爲籌度僉曰此正邑人之急欲陳請者學宮建  
於明萬曆之季前此科第接踵迨建立於此遂寥  
寥無幾地旣淤溢且近城垣豈但狎褻亦疑其地  
之不靈卽舊碑風急水厲之言原示後人隨時占  
驗以圖更遷且也修葺之費不下改創蓋改卜善  
地爲鼎新乎予然其言申請諸憲臺咸以爲可適  
縣治東滙官地數畝地形秀發山環水滙詢之卜

筮卜筮曰吉問之堪輿堪輿曰賊然狹隘不能仍舊制士民鄰近者皆願易地他所兼有所輸卽此見此舉爲邑人所踴躍而從事矣擇期開工紳士里民願輸者頗衆水源木本之思固宜如是而能克篤者則可尙也諸好義者卽書名及原助之數功竣勒之貞珉倡繼起而貽令名振科第而興教食報正無窮也然此爾士民意也奚待蕪詞弁冕耶僉又曰分在則然耳然余又不欲爾邑人過費但嚴冒破違工匠課勤惰錙積之卽可告成

勿曰土壤山陵所基弗曰涓流滄海所擇好善  
義人有同心知不待余言也余亦不致強也

邑侯李公疏通河渠記 邑庠生程曰鵬

公諱元讓字嶺泉江南淮安人癸亥歲膺

天子簡命來蒞葛邑本道德文章以布經濟秉慈祥  
廉潔以立官方遍訪疾苦周恤輿情利必興害必  
除殷殷以民生之憂樂爲心洵自有葛以來一豈  
第父母也葛被流氛凋殘之極歷四十餘年而瘡  
痍未盡起戶口版籍室廬田園猶在在闕如至康



郵保尤甚地在縣治東北半屬沙岡半屬灣陂水旱俱爲患而水乃尤甚開閘十畝俄而汪洋千頃鬱鬱青畦倏焉滔翻白浪竭三時胼手胝足之拮据不能向河伯以乞命聚百室號寒啼饑之婦子何克問波臣而謀生雖五日風十日雨未免懸磬仰屋則二月絲三月穀得不剗肉醫瘡舊有溝渠年遠塞沒居民幾欲疏通但成跡無存茫然不知措處惟束手浩歎而已幸蒙我公下車一聞其苦

遂命駕往視其故道其勢聚居民而

指示以務農之宜某宜深某宜淺某宜

狹某宜曲直歷歷數諸掌上因擇日興修  
歲荒歉民苦甚發糶給糊以盡力以待來年又恐  
仍被一年之害乃捐粟以賑之每於蒞政之暇一  
至焉再至焉民有昧於從事者親持其鍾教之且  
戒令勿亟更恐以枵腹而操土功大傷吾民力也  
於時里中之父老子翁相聚感泣而言曰此吾儕  
家事也乃至勞我公之勤恤如是吾儕能不踴躍  
以赴乎其鼓舞踴躍之狀若有神助奚啻子來不

旬月而功告竣。嗚呼！酌者賦畝也，非若疇昔之荒蕪。井井者河渠也，快觀今日之條理，黍稷穆翼，永被我公之仁風。溝深澮廣，長流我公之福澤。費有限之勤勞，享無涯之利賴。縱後有淤塞，我公之成法自在。繼起而謀之者，當不患疏通之無方矣。序屆仲春，風日晴朗。我公策數騎，飄然而來，樂觀其成。憇息綠樹之下，鋪茵以坐。列杯酒盤餐，烝髦士而攸止之。頃間，蒼叟黃童，供雞黍，舉村醪，長跽以

公所然受之。相與講農桑，談種植，勸功儉，惟

熈熙相慶，羨依然家人父子之歡樂也。非我  
已溺已饑之懷，以實心行實政，焉能變於冥爲桑  
田，闢汙萊爲膏腴，而至畧分言情，上下相得，成百  
餘年，僅見之盛事，垂千餘載，不朽之鴻功也。豈第  
君子民之父母，其我公之謂乎？爰述其事，以爲記。

邑侯李公祠堂記

密令裴鯤化

嘗思丈夫志四方，出生平才力，建功海內，布德蒼  
生，皆分內事。豈期有所感報而爲之耶？然考績報  
最

朝廷隆不次之擢遷衢歌巷祝閭閻深無已之瞻慕  
至如東山袞繡南國甘棠竹林寇公祠峴山羊子  
碑于身去之後猶繫思不置迄千百年名垂不朽  
良以崇功報德公好亦自不泯於人心惟公淮南  
大家世繼簪纓道氣才名夙冠江左甲午中副車  
以南闕不利北游太學於癸亥奉

簡命分符蒞葛大率以慨勵之心發之剛方之性其  
以落落寡合為余言既為國為民須任勞任怨

尚屑屑浮沉於人為其氣夜匪懈不淫利盡興

盡除其心弗安若清匪訟而包攬絕開溝渠而水  
患息嚴保甲而盜賊去起集市而商民便設義館  
造成小子課士藝扶進單寒賑饑荒而熒獨有賴  
恤鰥寡而怨曠無聞吏治卓卓可紀不意甫及三  
年遽殞一疾終於丙寅夏五月余謬承

憲委兼攝萬事見其宦邸蕭條懸魚載石不過如  
是傷哉祇餘兩袖清風凌霄漢空遺一腔熱血染  
花封兩公子雖少年英雋而事變倉卒何堪多難  
百凡竭蹶迨秋八月之朔十日始得扶櫬而歸余

送之翼日舟泊於是聞鐘磬之響與賽鼓襍沓方  
欲詢之而邑之紳士里民皆含淚啣悲環向余言  
曰此李公遺愛處也新構祠堂謹修齋設祭爲送  
請一登覽首事乃李姓名保秀鄉之耆老也脩道  
其詳河西砦名康樂築成自西而起新市者我公  
也若西有岡岡下田數百頃歲爲潦水所滙民受  
其害歷百餘年公不辭勞褻數親指畫開濬溝渠  
變汪洋爲膏腴自今日以及世世永不致患於波

逆者皆我公之賜也業刊石記之初欲立祠告

朱果公既歿衆議立於雙泊河之東岸庶幾過河  
梁而思明德澤流溘洎撰口碑以勒貞珉頌播輿  
人歲時伏臘供黍稷陳牲醴聊伸感報之懷堂甫  
告成碑尙未立因屬余爲文噫余於是有感於死  
生之際人情大可見也此堂不修於公在之日而  
修於公沒之後且悲泣祭送依依不忍別其情真  
其意切固葛人之厚亦以公之德入人之深人自  
不能忘也公而有是雖死猶生矣人或有一身沒  
官署爲公惜初不知文公潮海武侯秋原此心此



理同也正完却分內事於丈夫之志爲無憾又何  
歎於公焉余與公情關桑梓誼篤葭孚自把臂都  
門及分光隣燭交稱莫逆雖知公之深而詞嫌溢  
美余辭之堅而請之益固不得已爰質言以記其  
事云

先賢陳文範先生祠記

連

格

禹州人官至大中丞

長葛西行五十里曰張史保漢陳先生故里有祠  
在焉不知創自何代先生常爲太邱長稱先生曰

太邱祠亦曰太邱祠不敢稱名以示尊也

祠於其鄉而稱以官未善也先生卒時赴葬者  
萬人私謚文範宜從其謚稱文範祠稱祠以人  
人以謚祠以人久人以謚重於義協矣正德間  
廢不治里人變昇倡義修之萬歷己卯又廢莫  
復修之予高先生之義而論其世蓋粹然有道之  
人也漢自孝安而下漸衰以弱至於桓靈繼體主  
荒政亂宦寺專權國命將絕天下名士各負高氣  
樹立風聲志在匡時而疎於學術其強者忼憤朝  
紳橫議時政驕恣倖直釀成黨錮之禍其弱者恥

嬰冠紱甘足丘園絕俗離塵養成清曠之節非不  
足以激揚名聲鼓動風俗使天下之士奮迅感慨  
波蕩而從之相與置號者二十四人立厨顧俊及  
之名氏者三十五人死徙廢禁者六七百人辭所  
連及二百餘人而先生與焉遭時昏亂大人休否  
雖不能挽回世變救時立功敦信明義亦足以携  
持人心維風振俗諸子卓然不群之行良可尙矣  
然以聖賢處此必有順正之方中庸之道縱不能  
回天安上無持正民庶幾可以自免而諸子有

死重氣立異爲高矜名憤俗不無賢智人過之弊  
况當其時紀綱乖紊天下滔滔而諸子者各樹朋  
徒互相譏揣區區隻手欲障江河多見其不知量  
也予獨愛先生藏用於清濁之間如郭林宗隱不  
違親貞不絕俗和光同塵雅俗無失道甚宏矣而  
先生遜言危行遠怨於人與林宗同是所謂大直  
若屈上德不德者也大獄一與人多求免范滂再  
罹党禍罪不逃刑節甚偉矣而先生恐衆無所恃  
特出請囚與范滂同是所謂以身殉道成仁取義

者也至於張讓父死名士不弔而先生獨往焉高  
倫用吏而先生乞從外署不以累倫其他化誨鄉  
閭感悟盜賊頗存忠厚之風治化清淳進退優裕  
雅有寬綽之度以若所爲不狂不狷有爲有守其  
在聖門特負中行之道者非先生其誰與維時海  
內名士盛於一時而先生父子李膺杜密韓韶荀  
氏父子賈彪鍾皓皆潁川人盛於一方元方季方  
二君皆先生子盛於一門父子兄弟世濟其美同

時進命羔雁成祥范氏稱其謙於德安於仁行

身而遂其天下以今觀之  
况於其鄉可無祠乎樊萬繼父修祠而更爲伐石  
徵文不媿先生鄉里之後裔予慕前修僭爲序述  
將復於守令著爲祀典庶幾尙德崇古之意先生  
名實字仲弓家出卑微而性稟至德益以見天縱  
之厚云

改建白樂天祠像記

李重素 邑舉人

嘗聞敬神設教先王因天理之自然尙德崇賢君  
子識民彝之不出自非識力宏深無由勝任而愉

快也邑治西南三十里有宮名曰白樂以白樂天  
先生墓於斯也夫葛藟爾邑耳而竟爲高賢棲身  
之所其有光於僻壤多矣而或以墓不在葛爲疑  
者非也稽之載籍白氏先爲太原人其後遷居新  
鄭生樂天於東郭里舉進士孤忠高節炳耀汗青  
自宦遊以至告致廬洛香山咸標芳躅而其家初  
未離乎鄭葛間汴河感舊之詩固有可考而知者  
已晚年築室茲地相傳遺址尙存土人猶呼爲白  
村卒而墓於其側鑿鑿有據郡乘所紀安可誣也

且其地岡巒迴抱流水環卽以堪輿家言亦鬱鬱一佳城焉其爲樂天之墓復何疑哉昔曾建祠其上歷經修葺第世代遷流碑蹟湮沒荒烟蔓草之中不可復考鄉之好事者遂修真武行宮乃其實猶未盡泯也故仍稱爲白樂宮云余弱冠遊其處覽先外祖馬公希周碑文愴然有改正之意而力不能逮未克如願甲子冬余將公車北上適者民宋世英張聚德來言曰唐樂天公一代名臣千秋高士卽其履遊所至猶足曠世相感况宅兆攸



存神所憑依而可無一椽以奉香火乎表章前哲  
端有所賴余聞而義之季公爲請之邑侯李明府首  
捐俸以爲衆倡於是縉紳先生義氓善士各輸資  
粟有差誅吉興工欣欣正神效靈而人敏事矣間  
有一二庸愚之子迷謬相阻賴張君好學深思心  
知其義堅爲舉行閱歲而告厥成焉建祠三棟俱  
俎豆也繪像一龕肅瞻拜也鐫石於門題詩於壁  
期以示後人而傳永久也復從茂才黃子光祚

與武廟於前面規制

全無失而千年勝蹟亦一其改觀焉豈非天理

民莫之在人心歷久而不容泯滅者歟然宋張二  
君之識明力定厥功亦云懋哉後之君子幸勿爲  
流俗所惑時加修葺會與青岡碧水常爲流峙則  
景仰前徽維持名教其功又後來居上矣是爲記

義士楊君祠記

巡憲雲間沈

荃

釋堂

長葛縣之西南有石固店者介乎禹許二州而入  
汴之孔道也居人稠密明季流寇擾亂所在墮壞  
而石固不得獨存里之諸生楊君惻然憂之以爲

移民就邑則道遠潰衆若聽之以爲孤注則蹂躪不可復收於是急捐家財爲崇厥墉浚厥池晝而叛鍾夜而扃鑰其費不下數百緡而拮据况瘁殆過之於是石固之民竟死於兵燹蒙其澤者已數千家矣當是時郡邑大上其事於臺憲且具題旌門會遭鼎革不果行今我

朝定鼎中原幾四十年而石固之民垣墉如故屋廬晏然於是石固之民登高望遠喟然長思曰吾儕非楊君其能安全至今乎蓋謀私祠而尸祝之且

曰馬從事許偉君修鳩溝波而太守爲立廟  
苟利在一鄉義切桑梓公也非私也况乎蘋蘩蕙  
藻以報嘉德人實有心其能已乎楊君諱慎成爲  
承天太守挑溪公子幼而穎達佐其父如老吏旣  
長有聲膠序輒一軍蓋尙節俠而好行其惠者  
余昔備兵此土其人爲余道其行誼不衰云

重修石固寨記

薛所蘊

禮部  
侍郎

存利焉爲民畫之有患焉爲民防之已難其人况

畫地必於其利之長防患必於其患之萌如我憲  
副流公澤浹窮簷心存保障經畫遠猷俾世世子  
孫嘉賴無窮者不更難與致許喜西偏舊有石固  
築當日經營創始係生員楊慎成而解橐出資以  
期成者則生員王玉璣也嗣後元戈爲崇石鼓  
妄鳴道寇橫熾豈不長驅中原重地盡爲灰燼何  
存於區區石固且藉藉廉聚在在蜂起維時幸有  
別駕尹君諱奇遇者倡率守禦日夜戎服登陴捍

民頌依...爲樂...企...幾千家...

入... 招... 卷之...

望廬一如舊日則信乎其爲善地也第承平日  
外兵器叢雜池隍堙塞無復有過而問之者流公  
復編修外擢備兵禹州經臨其地見士民絡繹販  
負雜投爭於此謀卽次之安公顧而樂之以爲此  
芸芸者庶幾有殷繁之象然猶懼其不虞民終散  
也遂進父老而諭之曰廢垣不葺如保甲何余非  
樂爲興役以罷我民亦曰有基勿壞有墜必舉繁  
維爾百姓是賴一時父老子弟咸荷畚鍤從事亦

若有不督而趨不戒而奮者經始於辛丑初秋訖  
工於嘉平之望財罔民損役罔農妨而已翼如填  
如屹屹有金湯之固噫神矣豈公之爲國爲民有  
以素孚於民使然耶抑百姓知公之寧我婦子罔  
敢憚勞雖慳且玩者有所不忍負耶不然何卜云  
其吉卽適觀成而保障永賴也闔寨士民觀云  
公之明德遠也不憚遠涉徵文於予以記於石  
則是有感於管子之言矣民惡危墜我存其之  
我生育之沈公有焉雖然公之經文

種規畫其所創豎以暨修舉流澤於十梁千  
不一而足何藉此區區片石爲也然此區區者  
固石固之士若民所爲歌詠勤苦沐浴至德而不  
已於懷者余卽鄙儻不文又烏能已於一言耶公  
諱荃字繹堂探花及第前任內翰林國史編修

重修何公祠堂碑記

胡文元

常攷古之士君子名播當時聲垂後世或以詩禮  
文章纘成道統或以豐功偉績克定家邦且有除  
一時之害舉與萬姓之利盡一己之勞遂成百世



之功者所當勒勲德於旂常崇廟祀於奕禩者也  
我 邑侯何公諱鼎號晴山籍寓楚南派由越族  
鍾山川之靈秀紹世胄之簪纓早赴鹿鳴特膺選  
綬赤鳥初飛兩袖清風數百里玉符乍綰滿城福  
曜映平門自康熙丙寅歲下車之后新政聿隆百  
度俱舉首重文教士風日振於黉宮次勸墾荒籽  
粒漸滿乎倉箱植柳垂蔭何遜彭澤之五株喜雨  
宿臺不讓東坡之一亭子於省刑罰以昭撫綏修

德政

獲煥彩其仁風善政難以枚舉邑之紳士耆長

瞻德化之成共樂神君之頌何期三年報最香積

內庭含淚青天徒存借寇之想拔藪赤子不禁誰

副之歎原籍同人乃築祠宇迨夫歷歲久遠殿閣

傾圮撫今追昔良足慨已茲闔邑士民共議重修

有輸貲財者有施株木者亦有捐助瓦磚餽送菽

粟者鳩工力作不日告竣咸相慶慰曰不勒貞珉

無以彰何公之德仰瞻廟貌且以昭羣姓之誠

因綜其始末載諸貞石且爲之頌曰公已逝兮

長  
容貌藏肯堂構兮世不忘崇廟祀兮誌甘棠湖勳  
績兮永流芳照耀宇宙兮日月光並列岳兮地天  
長

何公生祠碑記

羅七昂

政之爲遺愛者善人也善人必有後余於長社前  
任 晴山何公見之公諱鼎號晴山世居浙江山  
陰由湖廣靖州籍登康熙丙午賢書乙丑宰長葛  
甫下車問民之疾苦以葛邑貧瘠勤勤積粟勸農  
丁卯有鸚鵡止澗河數日不去邑人憂之夏五月

飛蝗蔽野。公額天威。驅步巡阡陌。遺孽斂跡。得  
不害苗禾。因有蝗不入境之謠。蝗之患自古記  
之。卽當事極捕撲。獲滅害已多矣。何由而竟不爲  
害也。越明年。民力有餘。公喜偕司鐸呂君賁。恒  
寶君應。選式廊宮。增建學舍。釐定祭器樂器。設  
佾舞生。朔望講學。講書無間。寒暑葛之絃誦。徵文  
考獻者。雲蒸霞起焉。其養教如此。乃予又聞雙洎  
河在葛東北。衆流所達。巨浸也。庚午秋。河水陡發。  
異漲滄民田廬。困極無所措手。方恐恐乎無有極。

矣而公親自畚插率民用力晝夜不輟增築堤防成極堅極固瀕河居民迄今數十年無復水患此保障之力矣夫人父兄之於子弟誼親情切吉凶同患恤勞苦親扶持導之敦禮向義誦詩讀書遺家以永久無受後累其營心真且至也而爲子弟者於此亦卽未有不念父兄之恩思父兄之德敬之愛之咨嗟歎息不能忘者矣而公之蒞焉何以異此六稔政成

內石壁石部生事遷兵部郎中出守江南安慶府調

嘉興府而葛之民愛公不能忘遂立祠戶  
祝焉嗚呼宜矣後三十六年雍正丙午公仲子  
諱經文號無墨貴州安順太守入

覲迂道來葛謁公祠葛民見之如見公焉今乾  
降辛巳冬公仲孫諱燭奉

命督修楊橋漫工授河防兵備道分巡開歸陳許四  
郡回憶無墨公謁祠之日又三十六年矣公遺  
愛不猶存乎而善人有後信矣余時承乏許州按  
曷慕公爲人謁公廟與葛宰孫君景燧謀新

之問記於余余何記卽謂 公之遺愛云爾

重建何公祠記

孫景燧

乾隆二十六年冬 景燧 奉

天子命來治茲土下車之二日巡行至城東外見有  
殘碑斷碣卧沒於藜芳瓦礫間摩挲久之字漶漫  
不可識召諸父老而詢之僉曰此故邑侯何公  
祠之舊址也 公於康熙丙寅歲以明經孝廉作  
宰是邦惠收仁施不可殫述之跡其築河堤建義學

不課農桑凡諸設施有古風迄今百里

之內水滂無虞士風不振奸匪絕跡民力富饒皆  
公之力也當去任之日童叟攀轅不獲上請乃

相與建祠樹碑以誌勿讓於今七十餘年矣歌頌  
猶新廟貌非故日就傾圮遂至於斯余乃喟然興  
嘆曰士人誦讀有年輒慷慨而談經濟一行作吏  
頓易初心者比比皆是 公也本學術爲治術視

民事如已事大異乎俗吏之所爲宜其享美報於  
無窮也葛邑鄭國僑之采地也衆母之稱至今未  
艾嗣是官斯土者若漢之寇子翼隋之房孝冲皆



以循吏著乃攷諸邑乘陘山之巔子產之祠巋然  
存焉獨二公之祀湮沒無聞何歟豈以德政猶未  
足以媿子產歟當日輿人之誦曰子產而死誰其  
嗣之若公者可謂克嗣也已夫民不能忘而祀  
典闕如有司之責也爰率僚屬以爲倡邑紳士咸  
出私錢以助其成而鳩工庀材經營圖度則貢生  
路孝聞等之力居多經始於壬午歲之仲春越一  
月告竣由是歲時伏臘俎豆莘莘凡在土庶咸得

拜几筵以伸愛慕不至如向者徒憑弔於榛莽區

礫間而 公之惠政仁施夫藉以垂不朽云用伐  
石以誌重建之歲月併刊捐助姓氏於碑陰

不以結重致之其自將所部頗披刃於野

...

古風

隨父遊雙泊河

杜俊章

樂事誰家近可傳，請君聽我河上篇。  
河上爭似太湖色，幽人對此多流連。  
吾翁嗜靜壽能健，每談山水便  
欣然。前月溱洧伏水發，特遣蒼頭理釣船。  
携壺同泛綠波裏，筆牀棋局興翩翩。  
無數蘆花迎曲岸，幾聲野鳥下邊荆。  
阿誰樓臺半浸土，結木爲巢倚樹巔。  
打魚沽酒喧村口，擊鼓鳴橈亂蒲煙。  
石梁橫截不可渡，停

舟暫繫白楊邊懸壺潭上龐眉叟寂寞垂簾著太元  
相逢一笑聊烹茗寒喧草草無俗緣更唱竹枝籥返  
棹狼籍盤餐欲暮天香飄荷葉猶留客波湧漁燈忽  
照鷁歸塗不倩他人扶孫子相將衣可牽吁嗟此樂  
樂無極人生何用虛名纏君不見彭澤後陶峴賢浪  
迹江湖數十年曲奏清商卽水僊

弔長葛王烈婦李氏

沈荃

壬午屯妖氛中原橫殺氣石固如彈丸逆寇恣狼視  
聞有高素人王生

樞密移一尺書迺脅將招致

昔婦啟王生吾輩憂大義寧忍污厥身苟且狎  
長嘯渡洪河嶽嶽明正志狂賊恨不從孤闔  
突入王生家擒婦碎香髓偉哉閨中秀乃能奮  
勇智夫君名不毀殺身良獨易憑弔此潛焉短  
歌申遙企

題長葛尹烈婦李氏

沈荃

逆賊躡長葛黃塵壓寒堡烈婦抱幼兒冰心何皎皎  
倉卒罹寇氛繫頸馳遠道慟哭天爲昏惟恨死不早  
賊命棄兒行骨肉料難保婦詈觸兇威須臾塗肝腦  
烈骨有餘芬貞志凌蒼昊千載垂芳名鬚眉徒草草

弔長葛尹烈婦李氏

睢州湯

斌大司

中州昔死亂千里無完堵大將擁節旄聞風散部伍  
守令携印降忠孝棄如土而乃閨中人秉義不可侮  
長葛尹烈婦抱兒守茅宇倉皇賊騎來驅掠似風雨  
逼令捨其兒從之赴汴潁烈婦誓死殉大罵嬰其釜  
數載天兵臨妖氛不復覩安知非義魂助我王師武  
孤兒才且賢文章重詞府誦詩廢蓼莪泣血永懷苦  
我沈公篇悲風滿庭廡我母同節烈讀之心欲腐

看花行贈花隱主人

山陰何嘉頤亦

七名花誰第一 洛陽牡丹天下特妙種移植

十畝園開大令室吾家小阮令茲土看花不患地  
樂主乘風發興渡錢塘怡情何必遊天姥石尤宵怒  
鍾山麓長淮白浪高銀屋轟轟奇峰天外青茫茫新  
柳平川綠豈意春風太不情催得啼鶻曉夜鳴花王  
遲我過三更老眼看花何處明見者爲言真絕少一  
似采蓮入蓬島神迷目眩不能歸聽之使我憂心擣  
薰風忽破碧雲隈爭傳芍藥露中開今朝不看又已  
矣莫使天葩掩翠苔呼朋促騎西郊出遙望深林如



點漆暗香幾度逐風來停驂不覺心魂失穠奪御府  
瑪瑙紅潔如傅粉何郎白就中殷素錯爲容金帶四  
圍真獨立錦帆千艘接天來艷治山前馬上迴不信  
天孫何所織瑤臺一片五雲裁玉樽款款當筵舉金  
衣壓壓枝頭語一朵奇花四面開臨風欲別如何去  
嘆息棲遲年少時只今老大鬢如緋花開不語花先  
醉歲歲花開無盡期却羨種花人不老板輿日涉園  
林曉整冠再拜問仙翁方瞳百歲容顏好我欲花間  
眠不得真成好夢長相憶夢來夢去總爲君牡丹

恐無顏色回車忽遇封姨妬野日荒荒浮薄暮乃知  
勝事不偶然看花信有花神護

牡丹

何嘉頤

夢裏牡丹今日開驅車力疾看花來春風有信三年  
約芳徑無塵十畝栽獨把素光迎碧落不教紫萼媚  
蒼苔更煩明月將心寄攜我騷魂帶露回

其二

何嘉頤

意顏何意復郊行姚魏花開不勝情西子湖邊蓮十  
里東山馬上妓三更頻來青鳥疑先至不住紅螺好

自傾看罷却愁風雨妬一枝長傍廣寒橫

憶花隱主人

何嘉頤

淵明栽得柴桑菊嘯傲籬邊縱醞醪祖龍封却岱宗  
松蒼虬偃蓋生悲風渭川千畝青翠竹素封奸富驕  
白屋鞦韆中原一戰場茫茫陸海送歌哭豈期長葛  
王標五夢寐柴桑步其武不種卮茜不陂魚笑植天  
葩心獨苦吟風醉月臥花茵細把殷紅朶朶數只餘  
皎素比君心汝是知音我是主一歲澆培十日開奇  
姿艷質漾樓臺珊珊仙骨立莓苔天鷄野鶴爲君來

嘆我東西白髮身會向花開揖主人開樽飲我如澀

酒和露釀爲竹葉春丁卯之歲花開甚盛與曉夜環

三徑百歲仙翁歎玉樓灌溉猶音花難盛知是花意

爲君芳君去花孤淚交迸只今見花不見人倚嘯那

堪歌獨醒九子俊逸嗣徽音黃鸝巧喚友于聽復開

雅集醉同群枝頭灼灼酬清興嗟哉天地一飄蓬嵩

高太華峰巒競攜筇何處問蒼生花兮歸來隱名姓

弔尹烈婦李氏

鄆城謝

擯孝廉

南河六月荷香吐箕坐槐陰狎白鷺飄然有客繻葛

來示我新詩滿緗素感慨悲歌弔者誰殉節尹母心如  
訴憶昔中原狼虎行十年會見荆棘生堅城委頓  
甘臣妾將軍戰鼓不聞聲誰知草野紅艷女舌根凜  
凜見生平古來間氣不多得依稀魏博顏真卿風人  
流惠當年事執筆躊躇欲滿志世間盡如此婦人臨  
難忍使綱常墜展卷殊覺日月光千秋萬歲長不易  
辛未石固看牡丹憶花隱主人

邑令渠陽何鼎

晴山

秦有之芳春漠漠牡丹花發香成幄飛瓊着意弄奇

亂佳種每從天上落名花自古推洛陽天香  
如昨妖后催開一夜花花王不肯隨凡華傳聞  
上林來當堦曾見翻紅藥逸士園林花滿徑牡丹  
愛開尤盛陰晴寒燠候天時疎密高低解花性灌  
流洗耳泉製就長鏡白木柄遊蜂狂蝶不敢窺朱  
朱粉粉光難定六宮粉黛朝至尊蛾眉皓齒交相映  
青樓妙舞醉春風翠館疑眸臨曉鏡別有水肌編袖  
姝妝成端坐房櫳靜長門獨立聽宮車白頭吟阻相  
如聘昔日愛花隔遠道昨歲看花苦不早春曉花深

憶夢遊遲來飄落迷芳草此日晴和正及時諸紅正  
白逞天巧花因餘閩故開遲花爲知心分外好曾說  
名園各擅長前有金谷後辟疆引流鑿石構奇種白  
碧桃樹紅扶桑繁華闌盡風流歇春圃無人苔徑荒  
茲園歲歲花相似花開花謝出未央花隱主人壽百  
齡口鼻盤輿遶花行屈指三萬六千日風來不動葉  
花鈴當時乍見頭如雪花下婆娑笑語接指豔花名  
謂推至今一一人能說年年嫩葉長青蕪故

清園千瓣紅英花采在數莖白髮故人無合

詩林內集千枝  
發蕩春秋風  
又欲樂天去每

孔府憶主人





題楊氏三節婦

邑令姜泰正

生人有大義夫婦亦天經薄俗乖倫理聚散等浮萍  
聖朝崇風教節孝樹儀型孰是巾幗中前後有芳聲  
楊氏世清白閨門完圭璧昔聞太母桑貞操聲籍籍  
明季寇盜生擄掠遭脅迫矢死義不辱引頸待賊磔  
浩氣返青冥丹心血化碧節烈祠春秋芳規及孫媳  
兩李歸一門嫂姒相和釋不幸失所天妯娌嗟命厄  
嫂慟無子嗣姒僅留殘脈向撫一藐孤彼此無嫌隙

青春守空房茹荼共甘適慈訓啟後昆兒孫日顯赫  
瞑日報夫君千秋存皓魄卓哉三婦賢前後若比肩  
誰云賦命蹇命蹇天自全身死骨猶香世遠名流傳  
偷生失節者對此亦慙然採風表義烈蘇辭愧去  
褒嘉膺錫命豐碑有鴻篇

鳳凰城

許州太守甄汝

黃公守潁川鳳鳥飛鳴至表瑞築高城改元紀  
改元後人景前

石梁河

甄汝舟

西山深復深，原泉出山下。  
潺潺數百里，東去直瀉海。  
雨餘漲洪濤，濟渡頗驚詫。  
天然架石梁，中流可行棹。  
水蟾湧碧霄，倒影金波射。  
偃臥如虬龍，不知何樂在。

溟水河

甄汝舟

具茨山下來源頭，潺湲晝夜無時休。  
上流下流皆溟溟，漫獨經潁昌成細流。  
問津到此有異趣，名曰溟水無故土。  
脉堅處迴狂濶，可補鄴元水經注。

五言律

九日示兩兒

唐杜甫

令節成吾老他時見汝心  
浮生看物變爲恨與年深  
長葛書難得江州涕不禁  
團圓思弟妹行坐白頭吟

繡葛道中

巡梁使華亭沈

荃

釋堂共五首

鳴笳出洧水弭節指三亭  
此地有堤柳新條碧陂苗  
細麥青雪峰凝落日雲雁下長汀  
望望蓬蒿遍蘄誰不忍停

長葛晚行

沈荃

風偏細川原路不分南飛悲遶樹烏鵲自成羣

石岡晚發

沈 荃

晴色穿林莽征笳逐曉行草蟲啼露急木葉下風輕  
積潦傷禾稼空村畏甲兵褰帷問疾苦此際最關情

白樂天祠

教諭新安呂賁恒

白傅千秋在荒祠夕照間風流傳洎水名姓重香山  
里俗疎蘋藻詞人歎往還當年江上淚應爲破愁顏

秋日遊仙翁觀

郭守訓

何處求丹訣山深草又荒問年尋老樹留跡照空塘

藥白餘紅色仙厨染學香我來盟法侶心在意俱忘

輓邢兵脩殉忠

范復粹

山東人  
大學士

偶讀殉忠傳知君大義明勤王一旅壯遇難知身輕  
碧血心常在青天恨未平舉家全忠節憑弔淚縱橫

陳仲弓祠

賈開宗

高踪推漢代今有仲弓祠烏雀喧荒壠牛羊踏斷碑  
黨人悲歿瘁遺像肅威儀寂寞荒園裏風流百世師

子產祠

新安呂履恒

舉人

故國存遺愛空山一古祠野外碧天遠林間春日遲

君子能博物諸侯賴有辭東偏舊屬邑伏臘自當時

陳大邱祠

呂履恒

太丘名教士高義里人知祠宇留今日衣冠似漢時  
草荒荀氏宅苔沒蔡邕碑寂寞兩楹地猶堪百世師

晚登陘山

李重素 邑之孝廉

西日登山際川原一望平雲流國子塚烟鎖許昌城  
石蘚斜陽碧林花返照明催歸云薄暮不盡躋攀情

徐元直祠

程曰鵬

爭奇三國士大節讓先生方寸爲炎漢勛勞託孔明



恩懷母氏重義屈子身輕計脫雄曹去忠全孝亦成  
七言律

僉憲邢老師署征殉難

張自然山東人

西風獵獵動危旌  
价馬千群慘不鳴  
何處青人霄坐  
甲爲憐廉使日專征  
孤軍倉卒重圍急  
一劍從容後  
世名試看龍岡血  
戰地至今春草不能生

長葛懷古

孫子良

壯志何曾歎別離  
路經溱洧看晴漪  
學書臺古荒烟  
合集鳳城深落日  
遲長葛牽風臨古道  
新荷貼水滿

池晚夾行過，郵亭鶯鶯鳥數聲催去期。

長葛懷古

劉咸

鳳凰城下草離離，溱洧河邊柳色衰。  
石店月明鷄叫亂，村橋霜滑馬行遲。  
鍾繇臺廢嗟無迹，葛老仙成幸有池。  
欲駐征驂訪遺事，官書無奈迫程期。

石梁橋

蕭元韻

何代石梁不記年，凌空盛概已凋殘。  
欲尋逸老覓前事，那有奇碑當話傳。  
野鳥時來訪古岸，閒雲應到補盧巔。  
百花瑤島飄流影，眺望興嗟總黯然。

石梁舊跡

尹奇遇

邑人  
別駕

開來弔古石梁邊  
石臥星沈不記年  
夾岸劈開龍漱  
骨中流放出鳥鳴  
絃晚霞色吹高低  
樹野草晴浮遠  
近烟爲問此橋何  
日續好將題柱過  
橋巔

鳳城荒址

車明理

邑進士

惠波北去古城荒  
風雨蕭蕭送晚涼  
入望川原迷遠  
近徧郊禾黍雜青  
黃衝開幕藹橫鴉  
陣隔斷秋雲度  
雁行黃霸政成靈  
鳳集至今故壘倚  
斜陽

裴葛八景總題

邑令鄭維颺

太邱祠畔說花封，仙子青池迥自溶。  
護北橋雲長霧縠，南泊楫亦重重。  
穎濱古治誰儀鳳，雁陣層臺漫學鍾。  
蕭寺晨驚顛倒夢，羲鞭猶駕萬株松。

長社寒食連日雨

鄭維騖

荒城嫩柳綴蒼旂，冷宦鄉愁濁酒卮。  
寒倩春光舒瘠壤，食無官俸媿流移。  
啼鶯濕濺濕河水，孤雁雲拖嵩室祠。  
辛苦征輪妨雨潦，寧勞臥閣更催詩。

濟纒橋訪沈大史勒石處并謁鄭大夫子產高

廟

鄭維騖

出郭乘春春自妍遙山爲浪柳爲烟徒慙下吏司岩  
邑轉羨王臣濟巨川草閣鶯花晴日裏茸阡稚麥好  
風邊雨溱遺愛千秋在似覩刑書罷鑄年

石梁舊跡和韻

鄭維燧

石梁在台處山中余釋褐偶以爲別號及宰  
長社則郊西有石梁跡焉因取邑志往韻追  
和之

壯心題柱曲江邊賦龐吟枯憶昔年雲渡漁燈留晚  
棹風和流水入繁絃懸虹靜砥千波月疊石光清萬

并烟斗轉駢征須溥濟蒼霞縹緲赤城巔

王家園牡丹宴集

不周邨王君標五尺旬有

矣子孫甚繁衍

鄭維騰

背郭春雲擁野驂名園勝集陘山南  
李嵩眉壽人稱瑞韓令穠華獨未  
銷五彩霞沈籠石寨九苞鳳起瀉  
花潭風流姚魏今仍在婪尾何妨  
與暫酣

其二

鄭維騰

聖子好賢髦不倦花神逢客艷方舒  
香風細細糝元肩舞態重重映綵裾  
雲簇丹邱瓊樹密盤凝白玉藥  
宮疎飛觴莫放春歸去縹緲熙臺卜爾居

其三

鄭維鳳

說繁葩擅洛陽謝庭芝蕙共成行仙家絳雪流醞  
天外紅雲絢紫囊憇此春陰清夜煖借君仁壽惠  
翔新詩勿作變風看芍藥蓮來作辟王

子產祠

何鼎

古廟倚高臺臺上陁山空翠來畫壁春秋走父  
靈旗日夜隱風雷政成火烈歌思遠鑄就刑書法  
贈拜幾年慚衆母田疇猶喜不汗萊

學太傅驅蝗處

何鼎

冬夜不能忘此日還思漢代良聞說神君曾  
文傳六傳竟驅蝗野田到處登禾黍循吏由來勸  
歸藪藻至今存伏臘土人遙指碧流傍

陳太邱故里

何鼎

千里遙瞻漢水東偶來憑軾仰高風德星夜聚驚天  
象雲路春深識漸鴻令子千秋傳二妙徵書十道却  
猶聞父老談鄉曲飲食時稱陳仲弓

鳳凰城

何鼎

鄴原雉堞古城荒曾說城頭集鳳凰太守去思留穎



水雲禽來日侯朝陽故山舊跡迷芳草阿閣空巢生  
青梁此地亦經兵燹後春風惟有燕飛忙

鍾繇臺

何鼎

定字臺空蹟已荒揮毫太傅繼輝光當時妙法龍蛇  
動此地清池翰墨香弟子追蹤王逸少功名悔事五  
中鄭郊原何處尋遺趾柳外鶯啼下夕陽

白家村 樂天故里

何鼎

堤邊柳色映柴門云是風流白氏村一代衣冠人已  
沒千秋儒 長安鷄林錦繡香山句司馬琵琶

盤錄臺

魏國已蒿萊元常有舊臺年年城市裡登眺幾人來

七言絕句

過沈釋堂先生祠賦此喜之

施閏章

孟津南去嶽祠東到處甘棠頌沈公名在山川留俎  
豆風流何似石渠中

釋堂先生祠步愚山韻如二三老友重聚也

李來泰

袞衣當日偶居東落落山川置數公重入鳳池成故

事尚留遺愛滿天中

沈公祠次愚山先生韻

高層雲

曾侍

章皇璧宿東特教敷釐首羣公承明久自歸嚴陽  
子碑仍夕照中

沈公祠

王民瞻

璇宮南望日華東內外嘉猷總眷公試問蒼生  
事斜陽碑影碧流中

仙翁井

王

具茨山下客行稀  
一片人家佳夕輝  
蔓道荒臺憑  
點葛洪丹井是耶非

太邱故里

關名

古賢高尚不爭名  
行止由來動杳冥  
今日浪爲千載  
客看花嶺上德星亭

長葛縣

魏汝舟

地城曲岸蘼浮沙  
幾泊河流一道斜  
處處野田饒景  
色菜花開盡又紅花

太邱已廢德星宅  
大理猶存洗硯池  
偶向岸門評往

五、鷓鴣啼遍綠楊枝



鎮松楸當日紅思綠想妖絃急衫濕江州庭前樹黃  
鸝叫處依舊惹春愁 勳猷今古業香山秀句亦是  
千秋自怡情嵩少吟筆清幽留得衣冠俎豆垂楊外  
二麥初收凝情望烟霞九老時過碧山頭

霓裳中序第

雙泊秋波

何鼎

秋深細浪息斜襯遙天無限碧川底殘陽欲濕是雨  
水交流蓼花紅白鷗浮鷺渚泛空明纔漲三尺依稀  
似眼波微溜淡淡遠山側 遺憶鏡湖愁隔木葉脫  
翠西窗舊京殿吹動彩鷁記嫩葦絲香生

會送客和冷雲歸舟未識晴霞外芙蓉清影照  
顏色

齊天樂

白樂天詞

李重素

百羊夜起金鷄驚驚傳樂天孤墓一水環清二岡拱  
翠鬱鬱佳城深處芳踪如觀看長慶文章元和賢輔  
宗匠名臣飄然完節歸黃土我來尋碣表著向泉  
臺繪像粉榆陳俎兩膩紅桃月搖碧柳髻鬢當年歌  
舞權奸闖豎任草斷坟荒倩誰瞻顧廬洛香山風流  
是萬古



水調歌頭

葛仙翁池

程曰鵬

點層山際紅染小橋秋一溪盤繞仙跡地湧碧泉  
流書齋銀花捧日夜靜金鱗躍月竹影鳥聲幽水鑑  
環人立穀皺亂雲收武彝曲蓬海島華峰頭清涼  
澗界浣花濯錦總難儔不必鍊丹龍井豈待尋砂  
此地卽丹邱塵土一爲滌真在葛天游

滿庭芳

白樂天祠

程曰鵬

山韻流司馬宅兆誰識孤蹤村西小徑

繞簷廊靜好鶯啼

知公仙隱處隨桃傍柳樹石

松自拂袖歸來訪道崆峒遺得層臺古樹標青漢

鐵雲封最堪羨憑闌遠眺蒼翠隱嵩峰

寬裳甲序第一

雙洎秋波

張廷珩

河山拱天闕伊洛遙來秀相結兩水合洎溱清折喜

景響琴音渡爭桃葉葭蒼時節宕金鳳浪翻銀雪柳

堤畔采菱歌斷又欸乃聲接猶說當年勲業乘輿

人流風無歇漫云斷簡殘碣只紅蓼汀頭白蘋渚上

帶明碧霄月看依岸烟村排列曉城晴日光浮動翠

長壽系志 藝文下

